

# علم حقوق

مقایسہ قوانین مجسٹریٹری

ہر آئی نشر اول نور

مؤسس و صاحبی

کو ملجہ مہمونی : محمد عارف

## [۱] اداره عمومیه ولایات قانونی لایحه سی

### مواد عمومیه

برنجی ماده : قانون اساسینک یوزسکرنجی ماده سی موجبجه ولایاتک اصول اداره سی توسیع مآذونیت و تفریق وظائف قاعده سی اوزرینه . مؤسسر هر مأمور قانوناً حاز اولدینی صلاحیت دائره سنده ایفای وظیفه ایله مکلف و مأموریتنه متعلق کافه افعالدن مسئولدر .

ایکنجی ماده : دوائر مرکزیه رؤسای ایله مخبره حق منحصراً والیرله الویه غیر ملحقه ده متصرفلر کدر ، انجق معاملات جزئیه ایچون ارکان ومیدران ولایت منسوب اولدقلری دوائر مرکزیه شعبه مدیریه ومأمورین لوا وقضا دخی کذلک معاملات جزئیه ایچون ولایات ولواده بولنانلر آمرلیله مخبره ایده بیلورلر . الویه ملحقه ده متصرفلر امور ومعاملات لوا حقنده بونک مربوط اولدینی ولایاتک والیسنه وقائم مقاملر قضالرینک مربوطیتنه کوره والی ویامتصرفه وناحیه مدیرلری ناحیه نک درجه اولی ده مربوط بولندینی مرکز اداره نک ریاستدنکی مأموره مراجعته مجبوردر . انجق مدت معینه ده ظرفنده جواب آله مدینی وایش اساساً غیر قابل تأخیر اولدینی حالده استیدان اولنان ماده مسئولیتی درعهده ایدیلرک اجرا اولنه بیلور .

اوچنجی ماده : دولتجه نشر واعلان اولنه حق بالجمله قوانین ونظامات

[ ۱ ] اشبو لایحه قانونیه نک اهمیت فوق العاده سنه منبی ارباب اختصاص طرفندن ورود ایده حک مطالعات ایلك نسخه به درج اولنه جقدر .

ایله احکام قوانین و نظاماته متعلق نظارتلرجه اعطا اولنه جق تعلیمات و مقررات شعبات ادارهیه انجق والیلر والویه غیر ماحقه متصرفلری واسطه سیله تبلیغ اولنور .

دردنجی ماده : مرکیم اولور ایسه اولسون مأمورینک مغایر قانون احوال و معاملاتنه واقف اولدوقده ناحیهده مدیر و قضاده قائمقام و لواده متصرف و مرکز ولایتده والیه بالذات شفهاً اخبار و شکایت ایده بیلدیکی کبی اخبارنامه و شکایتنامه دخی اعطا ایده بیلور . انجق یازیله جق اخبارنامه و شکایتنامه مخبر و یا مشتکینک هویتی تعریف ایده جک صورتده اسم و شهرت و صفت و محل اقامتی ایله مخبر و یا مشتکینک امضا و یا مهرینی حاوی اولمق لازمدر . اخبارنامه و شکایتنامه یی امضا ایدنلر متعدد اولدینی حالده هربری مشروحات آنقه دائره سنده هویت و اقامت متکاهلرینی تعریف ایتمکه مکلفدر . بوسورتله یازلاماش اولان اخبارنامه و یا شکایتنامه نظر اعتباره آلتماز .

بشنجی ماده : مأمورین حقنده اخبار و شکایتده بولانلرک اخبار و شکایتلری لغرض مصنع اولدینی تبیین ایتدیکی تقدیرده حقنده لازمکن معامله قانونیه اجرا اولنق اوزره کیفیت مدعی عمومیاکه حواله و تودیع اولنور .

## برنجی باب

### تشکیلات

آلتنجی ماده : ممالک عثمانیه نك صورت اداره سی فرامین عالی و نظامات مخصوصه ایله تعیین اولنمایان و اشبو ولایات قانونیه تابع اولان اقسامی ولایتلره الویه غیر ماحقه به منقسمدر . ولایتلر طوعریدن طوعرییه مرکز و ولایتیه مربوط قضالرایله ماحق لوالردن و لوالر قضالردن قریه لرله ایجابنه کوره تشکیل اولنه جق ناحیه لر دن و ناحیه لر قریه لر دن ترکیب ایدر .

یدنجی ماده : ولایتار والیار ولوالر متصرفلر وقضالر قائمقاملر وناحیهلر مدیرلر طرفندن اداره اولنور ولایت ولوالمرکز قضالری طوغریدن طوغرییه والی متصرفلر طرفندن اداره ایدیلور شهر وقصبهلر دواثر بلدیہ سنک هربری برناجه ودواثر بلدیہ نك منقسم اولدیگی محلات برر قریه حکمنده در .

سکزننجی ماده : یوز خانه دن زیاده اولان قریه لر بهری الی خانه دن ناقص اولماق اوزره مختارلقلره تفصیم اولنه بیلور . برقریه نك قرب وجوارنده صورت متفرقه ده یاسیلان مساکن ومبانی هانکی قریه نك اراضیسنده انشسا اولنمش ایسه اوقریه یه تابعدر .

طقوزنجی ماده : ولایت ولوالر وقضا وناحیه لرك تشکیلاتی وتغیر حدود وتحویل مراکزی قانون مخصوص ایله تعیین اولنور .

## برنجی فصل

### مأمورین

### برنجی قسم

### مأمورین ولایت

اوننجی ماده : والیک و متصرفلق وقائمقاملق وناحیه مدیرلکی هیچ برصفت ویا مأموریت رسمیه ایله اجتماع ایدمز .

اون برنجی ماده : هرولایت مرکزنده هیئت عدلیه ومأمورین عسکریده دن ماعدا نائب ، دفتردار ، مکتوبنجی ، حقوق مشاوری ، معارف مدیر ویامفتشی وزاندارمه آلای قوماندانای وبولیس مدیری بولنور لزوم کوریلن ولایتلرده امور اجنبیه مدیری ویاترجمان بولندیریلور وبو دئره لرده لزومی قدر مأمورین

تالیہ استخدام اولنور . مصالحی کثیر و یا اہمیت مخصوصہ بی حائز اولان ولا-  
یتلرہ لزومہ کورہ والی معاونی استخدای حائز اولہ بیلور مرکز قضاسنک  
اموری کثیر اولان ولایتلرہ دخی بر مرکز قائمقامی تعیین اولنہ بیلور .  
اون ایکنجی مادہ : هر لوا مرکزنده هیئت عدلیہ و مأمورین عسکریہ دن  
ماعدانائب ، محاسبہ جی ، تحریرات مدیری و ژاندارمہ طابوری قوماندانی  
و پولیس سر قومیسری و لزوم کوریلان لوالرہ ترجمان بولنور بودائرہ لرہ  
لزومی قدر مأمورین تالیہ استخدام اولنور .

اون اوچنجی مادہ : هر قضاسنک مرکزنده هیئت عدلیہ و مأمورین عسکر-  
یہ دن ماعدانائب ، مال مدیری ، تحریرات کاتبی ، ژاندارمہ و پولیس مأمورلریلہ  
بونلرہ مربوط مأمورین تالیہ بولنور .

اون دردنجی مادہ : هر ناحیہ ده ایجابنہ کورہ نائب و ناحیہ کاتبی ایلہ مال  
وضابطہ مأموری بولنور .

اون بشنجی مادہ : دوائر مرکزیہ نک تشکیلاتنہ کورہ ولایت ولوا وقضا  
مرکز لریلہ ولایاتک سائر ایجاب ایدن محللرندہ معارف ، نافعہ ، اورمان و عادن  
وزراعت ، دفتر خاقانی ، اوقاف ، صحیہ ، نفوس ، پوستہ و تلغراف ، دیون عمومیہ  
ورسومات مأمورین اولیہ و تالیہ سی دخی بولنور .

## ایکنجی قسم

مأمورین ولایتک صورت تعیین و انتخابری

اون آلتنجی مادہ : والیر داخلیہ نظارتنک انہامی اوزرینہ مجلس وکلا  
قراریلہ و متصرف و قائمقامر و مکتوپچیلر داخلیہ نظارتنک انتخابیلہ بارادہ سنیہ  
و ناحیہ مدیرلری داخلیہ نظارتجہ نصب و تعیین اولنورلر .

اون یدنجی مادہ : ولایتلرہ نائب و دفتر دار و معارف مدیری و یا مفتشی  
ورسومات و پوستہ باش مدیرلری ، نافعہ سر مهندس و یا مهندسین ، اورمان

ومعاندن وزارت مدیری، دفتر خاقانی و اوقاف و نفوس مدیرلری محاسبه و ویرکو میزلی و ژاندارمه قوماندانی و پولیس مدیری و امور اجنبیه مدیری و حبیبه مفتشی و الوارده محاسبه‌چی و تحریرات و اوقاف مدیرلری و دفتر خاقانی مأموری و نافع مه‌ندسی و قضاالرده‌کی مال مدیرلری و عموماً مکاتب رسمیه مدیر و معلمینی و وزارت مفتش‌لری و بیطر مفتش و معاینه مأمورلری مذسوب اولدقلری دوائر مرکزیه‌جه قواعد و نظامات مخصوصه‌سنه توفیفاً علی‌الاصول انتخاب و ینعین اولنورلر.

اون سکرنجی ماده: ولایت هیئت تحریریه‌سی و معارف و اوقاف و دفتر-خاقانی و اورمان و نفوس باش‌کاتب‌لری و پولیس قومیسرلری و ولایت معارف محاسبه‌چیلری و مراکز ولایتده‌کی صندوق امینلری و تحصیل مأموری و سر-تحصیلدار و الویه‌ده‌کی نفوس مأمورلری و مکتب ضایع مدیری و مطبعه‌مدیری و بلدییه و ناحیه و خسته‌خانه لر طیب قابله‌لری و مرکز ولایت سنجاغ‌نک اون طبقوزنجی ماده‌ده و مرکز قضا‌سنک یکرمنجی ماده‌ده محرر مأمورینی قوانین و نظامات و تعلیمات مخصوصه‌سی احکامنه موافق اوصافی جائز اولمق اوزره و الیلر طرفندن تعیین اولنورلر.

اون طبقوزنجی ماده: الوارده‌کی تحریرات قلمی کتبه‌سی و مراکز الویه‌ده مستخدم بالعموم کتبه و خدمه و حبسه‌خانه مدیر و غاردیانلری و پولیس نفراتی و قضاالرده‌کی مال مدیر معاونلری و قضاالرده‌کی نفوس کاتب‌لری و تحصیل مأموریه سر تحصیلدار و مکاتب ابتدائیه معلماری و قضا تحریرات کاتب‌لری و مرکز قضا‌سنک یکرمنجی ماده‌ده محرر مأمورینی قوانین و نظامات و تعلیمات مخصوصه‌سی احکامنه موافق اوصافی جائز اولمق اوزره متصرفلر طرفندن تعیین اولنور.

یکرمنجی ماده: قضا‌ده تحریرات کانیدن ماعدا بالعموم کاتب‌لر و قضا-تحصیلدارلری و خدمه و حبسه‌خانه غاردیانلری و ناحیه کاتب‌لری و مستخدمین ساد-تره‌سی و میری اورمان قورچی‌لری قوانین و نظامات و تعلیمات مخصوصه‌سی احکامنه موافق اوصافی جائز اولمق اوزره قائم مقاملر طرفندن تعیین اولنور.

یکرمی برنجی ماده : تعیین اولنه حق مأمورین تالیه حقنده اول امرده منسوب اولدقاری شعبات اداره رؤسای ویاخود اوشعبه مک لوا وقضالرده کی ایشوک مأموری طرفدن اصولاً آنها ویاخود بادرکنار بیان مطالعه ایدلسی مشروطدر. یکرمی ایکنجی ماده : داخلیه نظارتجه بروایت مکتوبخیالغنه ویا برلوا تحریرات مدیرلکنه یاخود الویه ملحقه ایله قضالردن برینک متصرف ویا قائم مقاملغنه تعیندی تصور اولنان ذاتک تعیین اولنه جنی ولایت ویا لوا ویا قضاده حسن ایفای مأموریتیه موفقیتی مانع برحاله مطلع بولندیقی تقدیرده موضحاً بیان ایتسی لزومی اول امرده عائد اولدینی ولایتک والیسنه ویا غیر ملحق لوائک متصرفه اشعار اولنور. آله حق جواب اوزرینه اوزاتک مأموریت مذکوریه تعینی مناسب اولیه جغه نظارتجه قناعت حاصل اولورسه تعینندن صرف نظرله برینه ینه بوصورتله استعمال مطالعه اصولی کوزدک شرطیه دیگرى انتخاب اولنور.

پولیس مدیرلرینک حین انتخابنده دخی امنیت عمومیه مدیریتجه بویولده ایفای معامله ایدیلر. بومأمورلردن الویه ملحقه عائد اولانلرک حقنده کی استعلامر والیر طرفدن متصرفله تبلیغله انلردنه استفسار معلومات او- لته جقدر. دوائر مرکزیه جه ولایت ولوالره ویا ولایت ولوالرجه لوا وقضالره تعیین اولنه حق مأمورین تالیه حقنده اول امرده منسوب اولدقاری شعبات اداره رؤسای ویا اوشعبه مک لوا وقضالرده کی ایشوک مأموری طرفدن اصولاً آنها یاخود بادرکنار بیان مطالعه اولنسی شرطدر.

### اوجنجی قسم

مأمورین ولایتک عزللری وتحت محاکمه آلنلری

یکرمی اوجنجی ماده : قانون اساسیده ومأمورین قانوننده مصریح اسبابک برندن طولای والیرک عزلی داخلیه نظارتندن وقوع بولان اشعار اوزرینه

مجلس، کلانک قرارینه و تحت محاکمه به آئینسی ده ینه داخلیه نظارتسک اشعاری اوزرینه شورای دولت قرارینه و مجلس و کلانک تصدیقته بناءً با اراده سنییه اجرا اولنور.

یکرمی دردنجی ماده: والیار، با اراده سنییه و بانظار طرفلرندن تعیین ایدلمش، مأمورینک قانون اساسیده و مأمورین قانوننده مصرح اسبابدن طولانی عزللاری لرومنی سباب موجبیه سنییه مأمورینک مربوط اولدقلمری نظارتله اشعار ایدرلر.

دوائر مرکزیه والیارک اراده ایدلکلمری اسبابی کافی کورمدکلمری حالده تدقیق و تقدیریه مقتضاسنک تعینی ایچون اوراق عانده‌سی وصول تاریخنندن اعتباراً نهایت بر ماه ظرفنده شورای دولته تودیع و در حال تلغرافله والیاره اشعار کیفیت ایدرلر.

دوائر مرکزیه عزللاری انهسا اولنان مأمورین حقنده بر آی ظرفنده ولایتیه جواب اعطای ایتدکلمری حالده والیاره مسئولیتی درعهده ایله بونلری طوغریدن طوغری به عزله و علی الاطلاق بقالرنده آسایش و انضباط محللیجه محذور کوردکلمری مأمورینی مربوط اولدقلمری نظارته در حال معلومات اعطای ایتک اوزره مسئولیتی درعهده ایله ایشدن ال چکدیرمکه مأذوندرلر.

یکرمی بشنجی ماده: والیار نصب و تعینی کندیلرینه عائد بولنسان مأمورینی شعبات اداره رؤسای طرفندن اسباب قانونیه و موجبیه حاوی ویریه‌جک تقاریریه بناءً عزله مأذوندرلر اشبو تقاریرده مندرج اسباب موجبیه کافی کورمدکلمری حالده تقاریرک تاریخنندن اعتباراً نهایت برهفته ظرفنده اوراق عانده‌سی مجالس ادارهیه تودیع و کیفیتی در حال رؤسای شعباته تبلیغ ایدرلر.

یکرمی آلتنجی ماده: والیار دوائر عدلیه مأمورلرندن ماعدا مأمورین دوانک وظیفه مأموریتلرندن طولانی تحت محاکمه به آئینلری موجب احواله جرأتلرینه مطلع اولنجه بالذات ویا بالواسطه تحقیقات ابتداییه اجرا و مأمور-

لرک کنند یا برنزدند. تحریراً استیضاح ایدرک بعده لدی الحواله مجلس اداره و لایحه اسباب موجبۀ کافیہ کورولورسه ارادۀ سنیہ ایله منصوب اولانلر ایچون اصولی وجهله ارادۀ سنیہ و دوائر مرکزیہ دن تعیین اولانلر ایچون مرجعلر- ندن رخصت استحصال ایدرکدن صکره اوراق تحقیقیہ بی اقامه و تعقیب دعوی اولنق اوزره مدعی عمومیہ تودیع ایدرلر .

یکرمی یدنجی ماده : والیرلر عندالایجاب تحقیقات ابتدائیه نك تسهیل جریانی و تأمین سلامتی ایچون حقارنده تحقیقات اجرا اولنان مأمورلرہ مسؤ- لیتی درعہده و عائد اولدینی دائرۀ مرکزیہ درحال اعطای معلومات ایدرک موقتاً ایشدن ال چکدیرمکه و تحقیقات اوراقنک دوائر مرکزیہ و وصولندن اعتباراً نہایت برآی ظرفنده برکونه جواب آله مدقلمی حالده مظنون علیہ اولان مأمورینی تحت محاکمہ آلفه مأذوندرلر . دوائر مرکزیہ والیرلر طرفندن اشعار اولنان اسباب موجبہ بی کافی کورمدکاری حالده تحت محاکمہ آلفه ایستیلان مأمورین کرک ارادۀ سنیہ ایله منصوب اولسون کرک دوائر مرکزیہ جه تعیین ایدلمش بوانسون تدقیق و مقتضاسی تقدیر ایتک اوزره اوراق عائد سنی وصولی تاریخندن اعتباراً نہایت برآی ظرفنده شورای دولته تودیع و کیفیتی درحال والیرلرہ تلغرافله تبلیغ ایدرلر .

یکرمی سکرنجی ماده : والیرلر تحت محاکمہ آلفه تقرر ایدن مأمورلرہ حالده ایشدن ال چکدیرلر . عندالحاکمہ برائت و یا عدم مسئولیتی تحقیق ایدن مأمورلر یا مأموریتلرینسه اعاده و یا خود معادلی اولان مأموریتلرہ تعیین اولنورلر . مأموریتلرہ اعاده و معادلی مأموریتلرہ تعیین اولننجه به قدر مرور ایدن زمانه عائد نصف معاشی آلیرلر .

یکرمی طفوزنجی ماده : متصرفلر مأمورین عدلیہ دن ماعدا قائممقاملرک و نصب و تعیینی حکومت مرکزیہ و یا ولایت عائد مأمورینک اسباب قانونیه دن طولانی عزللری لزومی اسباب موجبہ سیله والیرلرہ اشعار ایدرلر . والیرلر متصرفلرک اراءه ایلدکاری اسبابی کافی کورمدکاری حالده تدقیق و تقدیر

ایله مقتضاسنک تعیینی ایچون اوراق عائدہ سنی وصولی تاریخندن اعتباراً نہایت اونیش کون ظرفندہ مجلس اداره ولایتہ تودیع و متصرفلرہ در حال تلفرافلہ اشعار کیفیت ایدرلر.

والیلر عزللری انہا اولنان مأمورین حقندہ بریحیق آی ظرفندہ متصرفہ جواب اعطا ایتدکلری حالہ متصرفلر مسؤلیتی در عہدہ ایله طوغریدن طوغری یہ عزلہ و علی اطلاق بقالرنده آسایش و انضباط محلجہ محذور کوردکلری مأمورینی ولایتہ معلومات اعطا ایتک اوزرہ مسؤلیتی در عہدہ ایله ایشدن ال چکدیر مکہ مأذوندلر.

اوتوزنجی مادہ : متصرفلر نصب و تعیینی حکومت مرکز یہ یہ و یا ولایتہ عائد اولیان مأمورینی شعبات اداره رؤسای طرفندن اسباب قانونیہ و موجدیہی حاوی ویریلہ چک تقاریرہ بناءً عزلہ مأذوندلر. اشیو تقاریردہ مندرج اسباب موجدیہی کافی کوردکلری حالہ تقاریرک تاریخندن اعتباراً نہایت برہفتہ ظرفندہ اوراق عائدہ سنی لوا مجلس اداره سنہ تودیع و کیفیتی در حال رؤسای شعبانہ تبلیغ ایدرلر.

اوتوز برنجی مادہ : متصرفلر دوائر عدلیہ مأمورلرندن ماعدالو ادہ مستخدم اولان بالعموم مأمورینک وظیفہ مأموریتلرندن طولانی تحت محاکمہ یہ آلنلرینی موجب احوالہ جرأت ایتدکلرینی آکلادقده بالذات و یا بالواسطہ تحقیقات ابتدائیہ سنی اجرا و جرأتلری آکلایشیلان مأمورلرندن ده تحریراً استیضاح ایدرک اسباب موجبہ کافیہ کوردلرکی تقدیردہ دوائر مرکز یہ یہ تعیین اولنانلر ایچون والیلر واسطہ سیلہ مرجعلرندن و والیلر طرفندن تعیین اولنانلر ایچون والیلردن رخصت استحصال ایتدکدن صکرہ عائد اولدقلری مدعی عمومیلکہ تودیع ایدرلر.

اوتوز ایکینجی مادہ : متصرفلر عندالایجاب تحقیقاتک تسہیل جریانی و تأمین سلامتی ایچون حقلرنده تحقیقات اجرا اولنان مأمورلرہ مسؤلیتی در عہدہ و ولایتہ در حال معلومات اعطا ایدرک موقہ ایشدن اللرینی چکدیر.

مکه و اوراقك ولايته وصولندن اعتباراً نهایت ایکی آی ظرفنده جواب آله مد قری حالده برای محاکمه اوراق متعلقه سنی عائد اولدینی مدعی عمومیاره کوندرمکه مآذوندرلر .

والیلر متصرفلر طرفندن وقوعبولان اشیعاراتی کافی کورمدکلری حالده اوراق متعلقه سنی وصولی تاریخندن اعتباراً نهایت اونیش کون ظرفنده مجلس اداره ولايته تودیع و کیفیتی تلفرافله متصرفلره تبلیغ ایدرلر . والیلر بوبابده مجلس اداره ولايته ویریهلک قراره توفیق معامله ایلرلر . مجلس اداره ولايتك قراری والی ویا متصرفه موجب قناعت اولمدینی حالده شورای دولتيه قرار قطعی ویرمك اوزره درحال بالجمله اوراق ایشك تعلق ایتدیکی دائره مركزیه ارسال ایدیلور .

تحت محاکمه آلمنی تقریر ایدن مأمورلر هر حالده ایشدن ال چکدیریلور و عندالحا که برآتی ویا عدم مسئولیتی تحقق ایدن مأمورلر مأموریتلرینه اعاده ویا خود معادلی اولان مأموریتلره تعیین اولنورلر و مأموریتلرینه اعاده ویا معادلی مأموریتلرینه تعیین اولنجهیه قدر مرور ایدن زمانه عائد نصف معاشی آلیرلر . اوتوز اوچنچی ماده : قائمقاملرک مأمورین عدلیه دن ماعدناحیه مدیرلیله قضا وناحیه مأمورین سائره سنك عزللری و تحت محاکمه آلمنلری حقنده وظیفه سی یکرمی طقوزنجی و اوتوزنجی و اوتوزبرنجی و اوتوز ایکنجی ماده لرده کی احکامه تابعدر . شوقدرکی مواد مذکورده والیلره عائد وظائف متصرفلره و مجلس اداره ولايته عائد وظائف مجلس اداره لوايه راجعدر . اوتوز دردنجی ماده : ناحیه مدیرلی کوی مختارلری و کوی بکجیلرینی اسباب موجب قانونیه دن طولانی ناحیه مجلسك قراریه عزل ایده بیلیلر .

## ایکنجی فصل

### مجالس حقنده در

اوتوز بشنچی ماده : هر ولایت و غیره ملحق لوا مرکزنده بر مجلس عمومی

بولنور . بومجلس عمومی مرکز ولایت والویه ملحقه و یاغیر ملحقه‌نی ترکیب ایدن قضا لک هر بردن انتخاب اوله حق ایکیشر ذاتن مرکب ووالینک تحت ریاستنده اولمق اوزره سنه ده بردفه ایلک اجتماع ایچون والی طرفندن تعیین اولنه حق وبعده هر سنه مجلسجه قرارلشدیره حق و قتده اجتماع ایدر . مجلسک مدت اجتماعی قرق بش کوندر . فقط والی طرفندن لزوم کورولدیکی تقدیرده اون بش کوندها تمید ایدیلهرک اسباب موجب سیله داخله نظارتنه بیلدیریلور .

اوتوزالتنجی ماده : هر ولایت مرکزنده والبلرک ریاستی تحتنده بومجلس اداره بولنور . بومجلسک اعضاسی نائب ، دفتر دار ، مکتوبچی و بولندقلری ولایتلرده معارف مدیری ، نافع سر مهندسی ، ححیه مفتشی ، اورمان و معادن وزراعت مدیری ، دفتر خاقانی و اوقاف مدیرلرندن عبارتدر .

اوتوزیدنچی ماده : هر لواده متصرفک ریاستی تحتنده بومجلس اداره بولنور بومجلسک اعضاسی نائب ، محاسبه چی ، تحریرات مدیری ، اوقاف مدیری و دفتر خاقانی مأمورندن عبارتدر .

اوتوز سکزنچی ماده : هر قضا مرکزنده قائم مقام ریاستی تحتنده بومجلس اداره بولنور . بومجلسک اعضاسی نائب . مال مدیری ، تحریرات کاتبی ، طابو کاتبی و اوقاف مأمورندن عبارتدر .

اوتوز طقوزنجی ماده : قانون اساسیده کوسترلدیکی وجهله هر قضا ایله لوا ولایت مرکزلرنده قضا اعتباریله هر جماعتک کندی افرادی طرفندن منتخب جماعت مجلسلری بولنه حق و بونلرک صورت تشکیللریله وظائفی نظام مخصوص ایله تعیین ایدیله جکدر .

قرقنجی ماده : هر ولایت ولوا و قضا مرکزلرنده و قرای جسمیده بلدیله مجلسلری بولنور . بومجلسلرک تشکیلاتی و صورت انتخاباری قانون مخصوصه تابعدر .

قرق برنجی ماده : هر ناحیه ده وظائف بلدیله ایله مشغول اولمق اوزره

ناحیه مدیرینک ریاستی تحت‌تدیه نائب و ناحیه کاتبی و مال مأموری و درت اعضای منتخبه‌دن مرکب بر اداره مجلسی بولنور .

قرق ایکنجی ماده : هرقریه و محله‌ده جسامته کوره اعضای منتخبه‌سی اقلی درت و نهایت سکز اولمق و مختارلرایله امام و پاپاس و خاخالمر دخی اعضای طبعیه‌سندن بولمق اوزره براختیار مجلسی بولنوب مختار اول ریاست ایدر .



## ایکنجی باب

### وظائف

#### برنجی فصل

#### والیارک وظائفی

#### برنجی قسم

#### والیارک مرکز دولته قارشی وظائفی

قرق اوجنجی ماده : والیار ولایتده قوه اجراییه‌نک الک بیوک مأموری اولوب ولایتارک اداره عمومیه‌سی کندیلرینه محولدر. آسایش و امنیتک آدامه‌سی اسبابنک مستمراً استکمالانه و باجمله صنوف اهلینک حاز اولدینی حقوق مشروعه‌بی تأمین و دولتک و خزینه دولتک حقوقی و قایه‌یه مجبور و ولایتک تزئید عمرانی امرنده متبادیاً صرف مساعی ایله مکلفدر .

قرق دردنجی ماده : والیارضابطه عدلیه‌یه عائد و وظیفه‌لرینی اصول محاکمات جزاییه قانوننده معین اولدینی و جهله و ضابطه مانعیه عائد اولان وظیفه‌لرینی ده ژاندارمه و پولیس هیئتلری و دوائر بلدییه و مأمورین ملکیه و ساطنیه ایضا ایدرلر .

قرق بشنچی ماده : والیر ولایتده قوه اجراییه نك اك بیسوك مأموری صفتیه باجمله قوانین و نظاماتك تسهیل اجرایی و امنیت و آسایش عمومینك توثیق ایچون عندالایجاب بیاننامه لر نشر و اعلانه ماذوندرلر .

قرق التنجی ماده : والیر داخل ولایتده کی ژاندارمه و پولیس قوتی تقدیر و تنسیب ایده جکلری صورتده مواقع لازمه یه توزیع ایله استخدام ایدرلر . پولیس و ژاندارمه هیئتلی ولایتك امور انضباطیه سنه نعلق ایدن کافه وظائفده طوغریدن طوغری یه والی یه مربوطدرلر .

قرق یدنجی ماده : والیر كرك ضابطه مانعیه كرك ضابطه عدلیه متعلق وظائفك اجرایی و قوانین و نظامات دولتك تنفیذی و آسایش و امنیت محلیه نك اعاده و یاقویه سی ایچون قوه موجوده ضابطه یی غیرکافی کوردکاری حالده محلی قوماندانلرینه ویره جکلری امر تحریری اوزرینه قوای عسکریه یی دخی استخدام ایدرلر .

قطعات عسکریه قوماندانلری والیر طرفندن بوباده تحریر اعطا اولنه جق امری درحال افاده مجبوردرلر .

قرق سکنجی ماده : والیر ولایتك برطرفنده قوه موجوده عسکریه ایله دخی تأمین آسایش اولنه مه جقنی اكلا ر و یا خود امنیت عامه یی سالب بر خطر و تهلكه کوررلر ایسه داخل ولایتده کی مواقع سائرده موجود اولان قوای عسکریه دن لزومی قدرینی اورایه سوق ایچون محلی قوماندانلرینه کذلک امر تحریری اعطا و شاید ولایت داخلنده بولسان قوه عسکریه نك حصول مقصده غیرکافی بولندینی آکلا شیلیر ایسه محال سائرده قوه کافیه جلب وجوی ایچون اردو قوماندانسه مراجعت ایده جکلردر . اردو قوماندانلری والیر طرفندن بوباده وقوع بولان مراجعتی درحال تنفیذ مجبوردرلر .

قرق طقوزنجی ماده : والیر دخل ولایتده اختلال ظهور ایده جکی آثار و اماراتندن استدلال ایلدکلری و یا خود اختلال وقوعی خبر آلدکلری تقدیرده اومحله مخصوص اولمق اوزره موقتاً اداره عمریه اعلاتی داخلیه نظارتندن

استیذان ایدرلر . یکریمی درت ساعت ظرفنده جواب آله مدینی و یا خود مخا-  
بریه امکان بولندینی تقدیرده مسئولیتی درعهده ایدرک اداره عرفینی اعلان  
و کیفیتی اسباب موجب سبیلہ برابر در عقب داخله نظارتنه اشعار ایتسکله مکلفدرلر .  
اللہی ماده : والیر بولندقلری ولایتک سواحلی محافظه و اشیای ممنوعه  
ورسومات قچاقجیلغنک منعه دخی مأمورددرلر . بناءً علیه بولندقلری ولایتک  
سواحلی محافظه مأمور سفان سواریدرینه نہ طرفری کشت و کذار ونه  
جهتلره تخصیصاً دقت ایتلری لازم کله چکی حقنده امر تحریری اعطا ایدہ -  
بیلولرلر . سفان مذکورہ سواریلری والیردن آله جقلری امری در حال و  
تماماً انفاذہ مجبورددرلر .

اللہی برنجی ماده : والیر هر سنے داخل ولایتده مناسب کوره جکلری  
زمانلرده دور و تفتیش اجرا سنے مأمورددرلر . دور و تفتیش قاج دفعه دہ اجرا  
ایدش اولور سنے اولسون احوال عادیده مجموع مدتی بر سنے ظرفنده ایکی  
آیدن اقل درت آیدن زیاده اولمیه جقدر .

اللہی ایکنجی ماده : والیر دور اثناسنده تصادفی ایدہ جکلری احوال  
و احتیاجاته و اکا قارشى اتخاذاى لازم کان تدابیرہ دائر لایجملر تنظیمیلہ  
نظارات متعلقه سنے ارسال ایدہ جکلری کبی بولوا یحک بر نسخه سنی ده داخله  
نظارتنه کونددرلر .

اللہی اوچنجی ماده : والیر مرکز مأموریتلرندن موقتاً غیوبتلرنده  
ویا مانعلری ظهور نده معاونی یوق ایسه ارکان ولایتدن مناسب اولان ذاتی  
توکیل ایدرلر .

اللہی دردنجی ماده : والیر هیئت محاکمک منتظماً اوقات معینده  
اجتماعی وایشانک سرعته رؤیتی ایچون مأمورین شرعیہ و عدلیه اخطاراتده  
بولنه حق و دوام سر لقلری تعین ایدنلری مدلاً دوائر متعلقه سنے اشعار ایدیه جکلرددر .  
اللہی بشنجی ماده : والیر امور شرعیہ و عدلیه ک تسریع رؤیتی و  
مقررات صادره ک تنفیذ و تمشیتی خصوصنده نظارت کامله یی حاز و بوباده

مأمورین عائدہ سی طرفدن طلب اولنه جق معاوتی در حال اجرا ایله مکلفدرلر،  
الی التنجی ماده : والیر حبس‌خانه‌لر نظامنامه‌سی احکاماتک تماماً  
تطبیقنه دقت و آره صره مرکز و ملحقات توقیف‌خانه و حبس‌خانه‌لرین  
بالذات و بالواسطه تفتیش و معاینه ایله اصلاحات لازمه‌ی اجرا ایدرلر .  
الی یدنجی ماده : والیر اخذ عسکر قانونسک صورت تطبیق و  
اجراسی تمهیل ایله برابر افراد جایده‌ی جلب و جمع یا عسکر فراری و  
بقایاسی درست ایتدیرمک وظیفه‌سیله مکلفدر .

الی سکنجی ماده : والیر نفوس نظامنامه‌سی احکاماتک تماماً تطبیقنه  
دقت و نظارت ایدرک هنمز داخل تحریر اولمیان محللرده تحریر نفوسی اجرا  
و داخل تحریر اولان محللرده کی نفوس مکتومه‌ی ظاهره اخراج ایتدیرمک و هر  
سنه ظرفنده وقوع بولان تولدات ، مناکحات و مناقلات و وفاتی حاوی ریاست‌استبق  
تنظیم ایتدیررک داخلیه نظارتنه ارسال ایلمک وظیفه‌سیله ده مأموردرلر .  
الی طقوزنجی ماده : والیر قوانین و نظامات مالیه‌ک حسن تطبیق  
و اجراسیله حقوق خزینهنک ضیاعدن و مکلفینک مغدوریتدن وقایه‌سنه و  
واردات متحققه‌ک سنه سی ظرفنده بلا نقصان تحصیلنه صورت متادیده دقت  
و نظارت ایتمکله مکلفدرلر .

آلتشنجی ماده : ولایتک واردات عمومیه‌سندده ظهور ایدرک فضلہ  
و یا نقصانک اسباب موجبہ‌سی حقدده والی طرفدن اجر ایدیلر جسک تحقیقات  
ایرته‌سی سنه ایچنده بر لایحه خصوصه ایله مالیه نظارتنه بیلدریلر .  
آلتش برنجی ماده : والی و متصرف و قائم‌امرله مأمورین سائرهنک  
اصول محاسبه عمومیه قانونی موجبجه معاملات مالیه‌ده کی وظیفه‌لری مذکور  
قانونک آلتش برنجی ماده‌سندده تنظیمی کوستریلان نظامنامه ایله تعیین‌قله‌جقدر .

### ایکنجی قسم

والیرک ولایتہ عائد وظائف و صلاحیتی  
آلتش ایکنجی ماده : والیر منحصر آ ولایتہ عائد اولان مصارف و

واردات مخمینی حاوی مأمورین متعلقہ سہ ہر سہ نہ بر خصوصی بودجہ تنظیم  
ایستدروب سہ سابقہ نك حساب قطعیتہ برابر لاجل التصدیق ولایت مجلس  
عمومیہ سہ اعطا ایدہ جکدر .

آلتش اوجنجی مادہ : والیر اشو بودجہ مرقم اولان واردات ومصار-  
فانك استلزام ایدہ جکی مزایدات ومناقضاتك احالہ سنی اجرا ایدرلر .

آلتش دردنجی مادہ : والیر وارداتی ولایتك خصوصی بودجہ سہ ادخال  
ایدلنك اوزرہ ولایت نامنہ عقار اشترا وبيع ومبادلہ سہ وبو عقاراتك طرز  
ادارہ سني تعییننہ وبو عقارادن برویا بر قاجنك مكتب وخستہ خانہ کي خدمت  
عمومیہ نك تخصیص سہ وولایت نامنہ ہبہ ووصیت ایدیلوب وارداتی ہر حالہ  
مصارفدن زیادہ اولان اموالك قبولنہ مأذوندرلر .

آلتش بشنجی مادہ : والیر جمعیتلر قانونی موجبنجہ منافع عمومیہ خادم  
اولدقلری مصدق اولان جمعیتلر نظامات مخصوصہ سني تماماً جریانہ نظارتلہ  
مکلف وخستہ خانہ وبیمارخانہ ودارالعجزہ وسائر مؤسسات خیریہ انشاسنہ و  
کرنک موجود اولانلرنک کرنک یکیدن انشا ایدیلہ جکدرک صورت ادارہ سني تعییننہ  
مأذوندرلر .

آلتش آلتنجی مادہ : آلتش اوجنجی وآلتش دردنجی مادہ لردہ والیرلہ  
اعطا اولنان مأذونیتك اجراسی مجلس عمومینك مقرراتنہ موقوفدر .

آلتش یدنجی مادہ : والیر ولایتك خصوصی بودجہ سہ داخل اولان وا-  
ردات ومصارفہ متعلق کافہ مواد حققدہ محکم ودوائر رسمیدہ بالذات مدعی  
ویامدعی علیہ صفتیلہ محاکمہ ومرافعیہ کافہ طرق قانونیہ ہر مراجعتہ وبوظائف  
مناسب کورہ جکدری ذواتہ یالکیز طرفلرندن مختوم بروکالتنامہ ایلہ تعمیلاً و-  
تخصیصاً تودیعہ مأذوندرلر .

آلتش سکزنجی مادہ : والیر مجبوری اولان تحصیل ابتدائینك تأمین  
ایچون حصہ معارف اولہرق وولایتہ اصابت ایدوب خصوصی بودجہ سہ داخل  
بولنان مبالغدن اولانواچی مرکز لرنده مکاتب ابتدائیہ ، ثانیاً بومکتبلرہ معلم

یتشدریمك اوزره مواقع مناسبه‌ده لزومی قدر دارالمعلمین . ثالثاً قضا مركزز-  
لرنده مكاتب رشديه كشاد و تأسيسه مجبوردرلر . كرك كشاد ايديله‌جك اولان  
كرك الحاله هذه موجود بولنان مكاتبده امرتحصيلك جدیت و مكملیتنه واداه  
و حسن اخلاقك محافظه‌سنه خادم اوله‌جق تدابير و مقرراتك بالذات و بالواسطه  
اتخاذ و اجراسيله مكلف و الحاصل بوقسم امر معارفدن طوغریدن طوغری به  
مسئولدرلر . والیر ذكر اولنان مكتبلك فوقنده اولان مكاتب تالیه و عالیه‌نك  
ولایتلری داخلنده كشادینه لزوم كوردكلری تقدیرده کیفیتی معارف نظارتنه  
بیایدیرلر .

ولایت معارف مفتشارینك انضمام رأی ايله نظامنامه مخصوصه‌سنه توفیقاً  
مكاتب خصوصیه كشادینه رخصت و یرمك و معارف مفتشی و ساططیه بومكتبلی  
تحت نظارتنده بولندیرمق امر معارفده و الیرك حقوق و وظائفی جمله‌سنددر .  
آلتمش طقوزنجی ماده : والیر قریه‌لرده موجود اولان کوی مكتبلینك  
ثمرات مطلوبه و یره‌جك درجه‌ده اصلاحی و مكتبلی اولیان قریه‌لرده نواحی بو  
دجه‌سندن تخصیصات افرار ایتدیره‌رك بهم‌حال کوی مكتبلی كشادی و بو  
مكتبلره بالذات و بالواسطه نظارت اجراسی ایلده مكلفدرلر . کوی مكتبلینك  
كمیت و کیفیتجه نقصانندن ترتب ایدیه‌جك مسئولیت ناحیه‌مدیرندن بدایله مأمورین  
ملکیه‌نك كافه‌سنه و معارف مدیر و مأمورینه علی‌الدرجات شاملدر .

یتمنجی ماده : ممالك عثمانیه‌ده دوائر دولتجه کوریه‌جك لزوم اوزرنه  
كشاد و تسویه و تعمیری نافعہ نظارتنه عائد اولان طرق جسمیه و عسکریه‌دن  
ماعداء مركزز و ملحقات ولایتی یكدیكرینه ربط ایدن طرق و معبارك كشاد  
و انشاسی و بونلك تعمیرات متبادیه‌سنك اجراسيله حسن حالده محافظه‌لری و الیرك  
مكلف اولدقلری وظائفی جمله‌سنددر . بناءً علیه و الیر ولایت یوللری قارشیلنی  
نامیله عمومی بودجه‌دن ولایت حصه‌سنه مقررز مرقم‌بالنی مجلس عمومی مقررانه  
توفیقاً بلا استیذان و فقط اعمالات و انشاءات واقعه‌دن دائره‌ عائده‌سنی خبردار  
ایتمك شرطیله و ولایات نافعہ سرمهندسنك وساطت فیه‌سیله اخذ و صرف ایدرلر .

یا لکزی یکیدن بایله حق یوللرک کذرکا هلی و لایجه تعین اولندقدن صکره نافعہ نظارتک تصدیقه اقران ایتمک شرطد .

یتش برنجی ماده : والیرک تبیس واروای اراضی خصوصه کی صلا . حیثیری قانون مخصوص ایله تعین اوله جقدر .

یتش ایکنجی ماده : والیر سیر سفائنه مساعد اولان انهاردن کیمی نهرک سیر وسفره اولان خدمتی تغییر ایتمک شرطله ماکنهل واسطه سیله صوآلمسنه رخصت اعطاسنه مأذوندلر . بودرلو انهار اوزرنده نهرک سوویه سی و سیر سفائنه خدمتی تعدیل ایده جک تأسیسات حکومت مرکزیه مک مساعدنه وابسته در .

یتش اوجنجی ماده : انهارکنارلرنده حکومتدن غیرسی لهنده انحصاری تضمن ایتمک شرطیه سیر سفائن خدمتنه مخصوص اوله رق اسکهلر انشاسی و بو اسکهلرک شرائط استعمالک و تعرفه لرینک تعینی والیره عأدددر .

یتش دردنجی ماده : والیر برکونه امتیاز و انحصاری متضمن اولماق و شرائطی دولته متخذ قواعد موافق اولمق اوزره داخل ولایتده حیوان ، بخار و الکتریقله جراولنور تراموایلر و داخل ولایتده اوتوموبیل و اوتوبوس و اومنیبوس آرابه لری ایشلمک ایچون رخصت اعطاسنه مأذوندلر . بو کی تشبسات برکونه امتیاز و انحصاری تضمن ایده جک اولدینی تقدیرده مرکز-دن استیذانه مجبوردرلر .

یتش بشنجی ماده : یتش بر ، یتش ایکی ، یتش اوج و یتش دردنجی ماده لرده والیره اعطا اولنان مأذونیتک استعمالی مجلس عمومینک مقرراتنه موقوفدر .

یتش آلتنجی ماده : والیر داخل ولایتده ایجاب ایدن محللرده تجارت اوطه لری و تجارت بورسه لری تأسیسی و سرکیلر کشادی و بنایرلر احداثی و الحاصل امور تجارتک توسیع و تسهلی و ثروت محلیه نک تکثیری ایچون لازم کلان تدابیرک کافه سی اجرا ایله مکلف و مجلس عمومینک قرارینه اقران

ایتمک و قوانین مخصوصه‌سنة موافق اولمق شرطیله اقتصاد و اعتبار صندوقلری کشادی ایچون رخصت اعطاسنه مآذوندرلر .

یتمش یدنجی ماده : والیرلر هر نوع فابریقه و اعمالخانه و ده‌بولر و دارالصناعه‌لر تشکیلی ایچون وقوع بوله‌جق مستدعات اوزرینه بو مؤسساتک برکونه صحی ویا قانونی بر محذوری اولمدیبنی حالده اصحابنه مجلس اداره و لایات قراریله اعطای رخصت ایده‌بیلورلر .

یتمش سکنرنجی ماده : والیرلر موافق مناسبه‌ده صنایع مکتبلری کشادیله کرک بونلرده کرک اولجه موجود اولان صنایع مکتبلرنده احتیاجات محلیه موافق صنایعک تعلیمنه و مکتبیرک اصول تدریس و اداره‌سنگ و طلبه‌نک تربیه و حسن اخلاقنک محافظه‌سنة و بو مکتبلره مختص وارداتک تزئید و توسیمنه عائد تدابیری مجلس عمومی قراریله اتخاذ و اجرا ایتمکله مکلفدرلر .

یتمش طقوزنجی ماده : والیرلر اورمانلر حقنده‌کی قوانین و نظاماتک یولیله و تمامیله جریاننه نظارت ایتمکله مکلفدرلر .

سکسانجی ماده : والیرلر موجود اورمانلرک محافظه و تکمیلی ایچون لازم کلن تدبیری حاوی مقررات و سیاستلر اتخاذ و نشر و اعلان ایده‌بیلورلر .

سکسان برنجی ماده : والیرلر کراسنه اعمالنه مخصوص حزار دنیلان فابریقه‌لر ایچون شرائط قانونیه‌سی وجهله طالبنه رخصت اعطاسنه مآذوندرلر .

سکسان ایکنجی ماده : داخل ولایتده اورمان یشدیرمکه مستعد اولوب اورمانلری بولغیان مواقع مناسبه‌ده والیرلر اورمان یشدیرمکه مآذوندرلر . اشبو ماده ایله سکسانجی ماده‌ده بیان اولبان خصوصیاتده اوومان مدیرلری استخدام ایدرلر .

سکسان اوچنجی ماده : والیرلر معادن حقنده‌کی قوانین و نظاماتک حسن تطبیق و جریاننه نظارتله مکلفدرلر .

سکسان دردنجی ماده : مملاک عثمانیه‌ده زراعتک ترقیسی ایچون زراعت نظارتی بودجه‌سندک تخصیصاتیه تأسیس ایدیش و ایدیله‌جک اولان مکاتب

و مؤسساتك نظامات و تعلیمات مخصوصه لرینه توفیقاً اداره لری و تخصیصات لرینك اعطایی و تشویقات زراعیه نك اجراسی زراعت نظارتیه عايد اولوب بونلك معاملاتك اشبو نظامات و تعلیمات دائره سنده حسن جریانته والیر نظارت ایدر. سكران بشنجی ماده : ماده سابقه ده محرر مكاتب و مؤسسات و تشویقات زراعیه دن ماعدا والیر واردات عمومیه دن ترقیات زراعیه ایچون دولته ولایاته تخصیص اولنه جق مبالغ ایله جفتلك و عمله مكتبلی تأسیس و تشویقات زراعیه اجرا ایدر جكاردر اشبو مكتبلی زراعت نظارتك تصویبیه ولایتك اصلاحات زراعیه سنه اك زیاده خادم اوله جق بر طرزده اولمق و معلومات زراعیه دها زیاده عملی تدریس ایدلك اوزره تأسیس اوله جقدر .

سكران التنجی ماده : داخل ولایتده والیرك اجرا ایدر جكاری تشویقات زراعیه بروجه زیر بیان اولنور .

۱ — محصولات زراعیه و حیوانات اهلیه سرکی و مسابقه لری اجراسیه مكافات تقدیه اعطایی

۲ — آت یاریشلی ترتیبیه مكافات تقدیه اعطایی

۳ — محصولاتك جنسی اصلاح ایتمك و ولایتك اقلیمه موافق محصولات جدیدیه تشدیرمك ایچون فدان و تخم جلب ایله نمونه اوله رق ایجاب ایدنلره مجاناً توزیی

۴ — مركز زراعت اولان محللرده عمومك استفاده ایدر بیله جکی حصاد و خرمن و قالبور ماكنه لری و سائر آلات زراعیه نك جلبیه بونلك زراعه ایجاری

سكران یدنجی ماده : والیر بولندقلری ولایتلرده زراعت و صنایع محلیه محصولات و معمولاتی شهر و ولایات متجاوره ایله تعاطی معلومات و تجارت اسبابی تهیه ایتمك اوزره سرکی كشاد ایدر بیله جكدر .

سكران سكرنجی ماده : سكران بشنجی و سكران التنجی و سكران یدنجی ماده لر حقنده اتخاذ اولنه جق مقررات مجلس عمومی ولایتك تصدیقه متوقف

اولوب زراعت اوطه لری و بونلر هنوز تأسیس ایدلماش اولدینی حالده ولایت زراعت مدیر لری و ولایت ولوا و قضا مرکز لرنده والیلر طرفندن منتحب زراعت قومیس یونلری و ساطتیله موقع اجرایه قونیله جقدر ، بو قومیس یونلر هر سه اجراءات واقعه درجات و نسیاجی حقنده بر لایحه تنظیمی ایله مجلس عمومی به تودیع اولنق اوزره ولایت ارسال ایده جکدردر .

سکسان طقوزنجی ماده : والیلر ولایتک احوال عمومی زراعیه سه دایر مرکز ماحققاتدن آله جقلری معلوماتی اوج آیده بر و آفات ظهوری حانده کیفیتی در عقب زراعت نظارتیه بیلدیره جکدرلر .

طقسانجی ماده : حقوق تصرفیه نك محفوظیتنی کافل اولان دفتر خاقانی معاملاتنی والیلرک دقت و نظارت مخصوصه سی آلتده در .

طقسان برنجی ماده : والیلر مجلس عمومی ایله برابر ولایتلرده وقف و وصیتلرک محافظه اساس و ادارلرینک تأمین حسن جریاننی ایله مکلف اولان جماعت مجلسلرینک مرجع قانونیسی و اوقاف اداره لرینه عائد بالمعوم وظائف حقنده آبروجه نظارت کامله نی حائزدرلر .

طقسان ایکنجی ماده : والیلر امور صحیه به متعلق بالجمله قوانین و نظاماتک اجرایی تفتیشه مأمور اولان صحیه مفتشرینک وظائفنی اوزرنده نظارت کامله نی حائزدرلر .

طقسان اوچنجی ماده : والیلر مجلس عمومی ولایت بلدییه اعضا انتخاباتی اجرا ایتدیرر . و مجلس عمومی بی وقت معینده جلب ایله کشاد و ختام مدتی بیان ایدرلر .

طقسان دردنجی ماده : والیلر برنجی درجه ده متصرفلر ایله مأمورین مرکزیه ولایتک ایکنجی درجه ده آنلر واسطه سیله مأمورین سائر نك صورت حرکتلرینی تفتیش ایدرک وظیفه مأموریتلرینه متعلق قصور و خطالرینی تصحیح و اصلاح ایدرلر .

طقسان بشنجی ماده : والیلر مجلس عمومی ولایت قراریله و ولایتک

خصوصی بودجه‌سندده مرقم وارداتك بر سنه لكسك ثانی درجه سه قدر اولی و نهایت بش سنه اودنك اوزره ولایت نامنه استقرضه مأذوندرلر ، بوندن زیاده مقدار ایچون بر سنه لك واردات درجه سنه قدر اولی و نهایت اون بش سنه تسویه اولی اوزره عقدایدیله چك اولانلر بر نظام مخصوص ایله اجرا اولنور . مبالغ مستقرضه ایچق امور نافع و احتیاجات معارفه صرف اولنه بیلور .

طقسان آلتیجی ماده : والیر ولایت مجلس عمومی مقرر اتندن محتاج استیذان اولانلرینی مطالعه مخصوصه لرینك علاوه سیله دوائر متعلقه سندن بعد الاستیذان و محتاج استیذان اولیانلرینی رأساً موقع تطبیق و اجرایه وضع ایله برابر اجراءات واقعه یی و نتایجی ولایت ایستاتستیکنه ادخال واشبو مواد حقنده هر اوج آیده بر کره مرجع لرینه و دوره اجتماعیه لری استیذاسنده مجلس عمومی به معلومات اعطا ایدرلر .

طقسان یدنجی ماده : والیر ولایت داخلنده بولتان رسومات و پوسته و تلفراف اداره لر به صحیه مأموری ولیمان رئیس لری و دیون عمومی و ورژی مأمور لری و شمنده و فرقو میسر لری و عموماً مأمورین سائره لك قوانین و نظامات مخصوصه ایله معین اولان وظیفه لرینك تأمین حسن جریانی مستلزم تدابیری اتخاذ ایتمکله مکلفدرلر .

طقسان سکزنجی ماده : والیر اشبو قانون و قوانین سائره ایله مکلف و مأذون اولدقلری احوال دن ماعدا دولجه اتخاذ قراره محتاج خصوصات ایچون نظارت متعلقه سنه مراجعه ایله استیذان معامله یه مجبوردرلر .

## ایکینجی فصل

مأمورین ولایتك والیه قارشو وظائفی

طقسان طقوزنجی ماده : ارکان مأمورین ولایت دن هر بری وظیفه مأموریت لرینه متعلق قوانین و نظامات احکامی و والی طرف دن ویریلان اوامر و تنبیهای اجرا ایتمکله مکلفدر .

یوزنجی ماده : ارکان و مأمورین ولایتدن هر بری قوانین و نفعات  
مخصوصه ایله معین اولان وظایفدن بشقه دائرة مأموریتلری داخلنده بولان  
کافه معاملاتک انتظام و سرعت جریاننده طوغریدن طوغری به مقام  
ولایته قارشو مسئول و معیتلرنده بولان مأمورلرک صورت حرکتلری  
تقدیس و تدقیق ایدرک بولاردن نظاماً جزایی و یا عزل محاکمه‌یی موجب  
احواله جرأت ایدرک حرکات واقعه‌سی دلائل کافیه‌سیله برابر و الیه انبأ  
و ایفای وظیفه‌ده حسن خدمتی کوریلانلرک ترفیع و ترقیلری مقام ولایته  
انها ایتمکه مکفدر .

یوز برنجی ماده : ارکان و مأمورین ولایتدن هر بری والی طرفندن حواله  
و تودیع ایدیلان ایشلر اوزرینه ایجاب ایدن تدقیقاتی اجرا و معلومات و مطالعه -  
لری بیان ایله مکه مجبوردر .

یوز ایکینجی ماده : ارکان و مأمورین ولایت منسوب اولدقلری دوائر  
مرکزیه دن استیذانه محتاج کوردکلری خصوصاتک استیذانی ایچون مقام ولایته  
مراجته مجبوردرلر .

یوز اوجنجی ماده : مطبعه ولایتک هر اوج آیده بر کره دفتردار معرفتیه  
حسابی رؤیت اوله رق ایکی قطعه دفترتی بالتظیم مجلس اداره ولایتجه تدقیق  
و تصدیق اولندوقن و غرتیه ایله اعلان قلندوقن صکره بر قطعه‌سی محاسبه  
ولایتده و دیگر قطعه‌سی مطبعه اداره‌سده حفظ اوله جقدر .

یوز دردنجی ماده : محاسبه ولایتده معاشاتی ولایتک واردات خصوصیه‌سندن  
تسویه ایدلک اوزره مخصوص بر قلم تشکیل ایدیلرک ولایتک خصوصی  
بودجه‌سنگ تحصیلات و صرفاتی حسابی دفتردارک نظارتی و قلم مذکور  
مدیرینک مسئولاتی آلتده اوله رق ضبط ایدیه‌جک و مدیر ولایت ایچون  
خصوصی بر بودجه‌نک تنظیمیه دخی مکاف اوله جقدر . هر سنه سنه آتیه‌نک  
نخن بودجه‌سیله سنه سابقه‌نک حساب قطعیه‌سی حقنده شعات اداره مأمورلری  
طرفندن اعطا اوله جق موازنه جدوللری محاسبیه‌یه عائد اولان جدول ایله

بالتفیق کرک نخن بودجه بی کرک حساب قطعی بی مجلس عمومی و ولایت حواله اولحق اوزره مجلسک وقت اجتماعندن بر آی اول مقام ولایت دفتر دار واسطه سیله اعطا ایتمکه مدیر مجبوردر .

یوز بشنچی ماده : مکتوب بچیلر مرکز ولایتک امور تحریری و قیودیه سنک انتظامنه و اوراق مخزنلرینک امنیت و محفوظیتنه و مخبراتک سرعت جریاننه دقت و مجلس اداره ولایت ضبطنامه و مضبطه لرینه نظارت و ولایت مکتوبی و مجلس اداره و اوراق قلمارینه ریاست ایتمکه مکلف و کافه مخبراتدن مسئولدرلر . بوندن ماعدا ولایت غزته سیله ولایت سالنامه سنک حسن تحریر و ترتیبنه و مطبعه ولایتک محافظه انتظامنه دقت و شعبات اداره دن تنظیم اولنه حق ایستانتاسیتقلری تدقیق و تألیف ایله و الیرله اعطا ایدرلر و مأمورینک سجل احوالی معاملاتنی ایچون تشکل ایده جک قومیسونه ریاست ایدرلر .

یوز انتنچی ماده : حقوق مشاوری قوانین و نظامات دولتک صورت تطبیقنه و بویوزدن متحدث اختلافاته دائر والی طرفندن حواله اولنان اوراق اوزرینه بیان رأی و مطالعه ایتمکه مکلفدر .

یوز یدنچی ماده : مرکز ولایت ولوا و قضاالرده کی بلدییه و خسته خانه لر اطبانک مرجعی اولان صحیه مفتشاری هر آیک اون بشنده اولکی آیه عاندا اوله رق عموم ولایتک احوال صحیه سی حقنده والیه مفصل برراپور و یرمک و صحیت عمومیه بی اخلاص ایدن شیلری و حفظ صحت عمومیه ایچون اقتضا ایدن تدابیری والیه بیلدرمک و وظیفه سیله مکلفدرلر .

یوز سکزنجی ماده : زراعت مدیری بیطر مفتشاری و مأمورین مخصوصه سی طرفندن آله جفی راپورلری جمع و تلفیق ایله داخل ولایتده مزروعات و باغ و اغچه و حیواناتده ساری خسته لق اولوب اولمدیغنی و واریسه تدابیر مقتضیه سی نه وجهله اوله جفی مین هر آی و حیوانات و مزروعات و اشجارک محافظه و اصلاحی ایچون دوشونه چکی تدابیری دخی پی درپی والیه تحریر آ بیلدرمکه مکلفدر .

یوز طقوزنجی ماده : معارف مدیر و یامفتشی داخل ولایتده معارف و تربیه

عمومیه جه واقع اولان اجراءات و اصلاحات و ترقیات و نافعیه سه مهندسی ده طرق و معابر و عائد انشاءات و اجراءات حقننده والی به پیدرپی معلومات اعطاسیله مکلفدر.

## اوچنجی باب

### مجالس

## برنجی فصل

### مجالس عمومی و ولایات

## برنجی قسم

مجلس عمومی و ولایت اعضاسنك صورت و شرائط انتخاباتی  
یوز اوتتبی ماده : مجلس عمومی و ولایت اعضاالنی ایچون هر قضاادن ایکیشر  
ذات انتخاب ایدیله جکدر. بواعضانك انتخاب اولنه جقاری قضااها لیسندن بولنلری  
مطلقا مشروط اولمیوب داخل ولایتده متمکن اولملری کافیدر .  
یوز اون برنجی ماده « مجلس عمومی و ولایت اعضاسنی درت سنه ایقای خدمت  
ایتمك اوزره انتخاب اولنور اکیال مدت ایدر ك تکرار انتخابی جائزدر .  
یوز اون ایکنجی ماده : نفوس عمومیه سی الی بیکدن زیاده اولان شهر لر دن  
قضا اعتباریله آله جق ایکی اعضادن بشقه فضلّه نفوسك بهر الی بیکی ایچون  
آیر یجه بر اعضا آله جقدر .

یوز اون اوچنجی ماده : مجلس عمومی اعضا لغتہ انتخاب اولنہ بیلمک ایچون مبعوث انتخاب اولنہ بیلمک صلاحیتی حاز اولمق لازمدر . مجلس عمومی اعضاسی صولک مبعوث انتخابندہ کی منتخب نائیلرله قضا مرکزندہ کی بلدیہ مجلسک ونواحی ماحقہ اعضای منتخبہ سنک اجتماعلہ تشکیل ایدہ جک ہیئت طرفدن انتخاب اولنور . مجلس عمومی اعضاسی استعفا ایتمدکجه ویا خود اون بش کوندن زیادہ حبسنہ بر محکمہ طرفدن حکم اولمقدکجه اعضا قدن ساقط اولماز .

یوز اون دردنجی ماده : اعضادن برینک اصول وفرعندن یعنی آبا واجداد واولاد واحفادنن بریلہ وقرنداش وعموجہ ودانی وداماد وقاشن پدر ودامادک باباسی کی ایکنجی و اوچنجی و دردنجی درجه بہ قدر قرابت نسبہ وصہرہ سی اولانلرله مجلسدہ اعضا صفتلہ اجتماعی جائز دکلدر .

یوز اون بشنجی ماده : انتخاب اولنان اعضادن استعفا ویا وفات ایدن ویامدتی ختام بولمزدن اول بشقہ بروایتہ عزیمتہ مجبور اولانلرک ویا خود قانوناً تبدیلی لازم کلدرک برلرینہ ہانکی تضادن انتخاب اولنمش ایسہ او قضا دہ آندن صکرہ اک زیادہ رأی فراکش اولانلردن بری اولنکی اعضانک مدت معینہ قانونیہ سی اکمال اتمک اوزرہ اعضا صفتی اکساب ایدر تساوی آراوار ایسہ قرعہ اصولنہ مراجعت ایدیلور .

## ایکنجی قسم

مجلس عمومی ولایتک اصول اجتماع ومذاکرہ سی

یوز اون آلتنجی ماده : اوتوز بشنجی مادہ دہ بیان اولاندی اوزرہ ولایت مجلس عمومیبسی ایلمک سنہ والی طرفدن تعیین اولنان زماندہ ولایت مرکزندہ اجتماع ایدوب آدن صکرہ ہر سنہ سنہ آتیہ نک زمان اجتماعی مجلس قرایلہ تعیین اولنور . اجتماع اک زیادہ قرق بش کون امتداد اینر مجلس عمومی اعضاسنہ

حاضر بولندقلری هر یوم اجتماع ایچون الی غروش ویریلیر . والی بومدتک ختامنده یاخود هئت قلمیه طرفندن مجلسک آرتق مذاکره ایده چک برایشی قالدیقنه دائر ویرله چک بیاننامه مجلسه بالمذاکره قبول ایدیلورسه ختام مدتدن اول مجلسک قیامغنی امر ایلیر .

یوز اون یدنجی ماده : والی مدت اجتماع ختام بولوبده بعض مواد مهمه نك مذاکره و تدقیقی هنوز نديجه لئه مدیکی حالده اجتماعی ده اون بش کون تمديد واسبابی داخلیه نظارتنه اشعار ایدر .

یوز اون سکیزنجی ماده : دولجه ویا ولایتجه لزوم کورلدیکی حالده مجلس عمومی صورت فوق العاده ده دخی اجتماعه دعوت اولنه یلور بو حالده یالکیز اجتماع فوق العاده بی استازام ایدن مواددن بشقه شی مذاکره اولنه ماز .

یوز اون طقوزنجی ماده : والی لزوم صحیح و مبرم کوردیکی حالده مجلس عمومینک فسخی اسباب موجب نك بیایله داخلیه نظارتندن استیذان و بو بایده مجلس وکلانک جواباً تبلیغ اولنه حق قرارینه توفیق مامله ایدر هر حالده فسخ قراری اراده سنیة حضرت پادشاهی به اقتران ایتمک لازم در .

یوز یکرمنجی ماده : مجلسک فسخی حالده نهایت اوج آی ظرفنده مجتمع اولمق اوزره مجدداً انتخابنه باشلانيله چقدر .

یوز یکرمی برنجی ماده : مجلس عمومی به والی بالذات ریاست ایدر اعذار مقبوله به مبنی حاضر اوله مدینی حالده ارکان ولایتدن برنی ریاست ایتمک اوزره توکیل ایلیر . ده اثر حکومت کتبه سندن مناسبلری مجلسک خدمت تحریریه سنه تعیین اولنور .

یوز یکرمی ایکینجی ماده : مجلس عمومی ولایت اعضای مرتبه سنک تصفندن زیادده سی بولندقیجه رسماً مذاکره ابته ایده من مجلس عمومینک مقرراتی اعضای موجوده نك اتفاق آرا ویا اکثریت مطلقه سیله اتخاذ اولنور . بر مسئله حقنده اکثریت مطلقه حاصل اولمدینی حالده اوایشک مذاکره سی ایرتمی کونه تعلیق ایدیلیر وینه اکثریت مطلقه حاصل اولمازسه اکثریت نسبییه اعتبار اولنور .

تساوی آراء و قوعنده رئیسك بولنديغی طرف اكثریت قازانمش اولور .  
 یوز یكرمی اوچنجی ماده: اعضادن هریری بالذات اعطای رأی ایده جكدر  
 مجلس عمومینك اداره و انضباطی و مذاكراتك صورت جریانی برنظامنامه مخصوص  
 ایله تعیین ایدیله جكدر. انجق تنظیم اولنه حق مضابطه وضع اولنه حق مهر لر رئیس و یا  
 رئیس وکیلندن صكره اعضانك تذكرة عثمانیه لرنده محرر سنلرینه كوره  
 ترتیب اولنور .

یوز یكرمی دردنجی ماده: مجلس عمومیجه مذاكره اولنه حق موادلوالی  
 طرفندن حواله سی و روز نامه مذاكراتك اولجه والی طرفندن تنظیمی اقتضایدر  
 مجلس عمومیلر سیاسیه دائره مذاكرات اجرا و تمینات اظهار ایتمكدن ممنوعدرلر .  
 یوز یكرمی بشنجی ماده: مجلس عمومیجه اتخاذ اولنان مقررات علپهنده  
 ضبطنامه تاریخندن اعتبار آ یكرمی كون ظرفنده والینك حق اعتراضی واردر .  
 اعتراض و قوعنده مسئله شورای دولتیجه حل اولنور .  
 یوز یكرمی التنجی ماده: مجلس عمومی مذاكراتی ولایت غرضه سیله عیناً  
 نشر و اعلان اولنور .

## اوچنجی قسم

### مجلس عمومی ولایتك وظائفی

یوز یكرمی یدنجی ماده: مجلس عمومی هر دوره اجتماعیه ابتداسنده والی  
 طرفندن مقررات واقعه حقنده مجلسه و بریله جاك ایضاحنامه یی قرائت و مذاكره  
 ایتدكدن صكره ولایتك خصوصی بودجه سنك تدقیقاتنه ابتدار ایدر .  
 یوز یكرمی سكزنجی ماده: ولایت خصوصی بودجه سنك واردات قسمی  
 تشكيل ایدن مواد شونلردر :

- اولا ولایتہ عائد عقاراتک بدل ایجار و فراغی
- ثانیاً ولایتک دمارف تخصیصاتی اوله رق عمومی بودجه دن مفرز مبالغ
- ثالثاً ولایت یوللری قارشیلنی اوله رق عمومی بودجه دن مفرز مبالغ
- رابعا ترقیات زراعیه ایچون عمومی بودجه دن دولنجه ولایته تخصیص اولان
- خامساً صنایع مکتبلی و ارداتی
- سادساً زراعت مکتبلی و ارداتی
- سابعا آلات زراعیه نك بدلات ایجاری
- ثامناً ولایتہ تبرع ایدیلان عقاراتک قیعی و بدل ایجاری
- تاسعاً ولایتہ تبرع و وصیت ایدیلان نفود و بونقودك تمامی
- عاشرآ نه رلرده قایقارک بدل التزای
- احدی عشر ولایتجه کوپری ، اسکله و سائرہ تأسیسی کچی منافع عمومی -
- میه به عائد خدماته مقابل استیفا اولنه حق اجورات
- اثنی عشر داخل ولایتده ایشله مک اوزره تأسس ایده جک تراموای ،
- اومنیوس ، اوتوبوس و اوتوموبیللردن سنوی الیه حق مبالغ معینه ( اشبو و سائط
- نقلیه یالکیز شهر داخلنده مؤسس ایسه الیه حق مبلغ بلدییه بودجه لرینه داخل اولور )
- ثالث عشر مطبعه ولایت و ولایت غزته می و ارداتی
- رابع عشر قوانین و نظامات موجوده یا موافق اوله رق بونلر خارچنده
- ولایتجه ایدیلهش اولان هر نوع منابع و اردات
- خامس عشر قانونا معین بر مساعده اوزرینه ولایتجه تکالیف موجوده
- عمومیه به ایدیله بیله جک ضائم
- یوز یکرمی طقوزنجی ماده : ولایت، خصوصی بودجه نك مصارف قسمی
- تشکیل ایدن مواد شونلر در :

- اولا مکانب ابتدائیه ورشديه معاشات و مصارف  
 ثانيا یتشجی ماده ده بیان اولنان طرق و معابرک مصارف انشائیه و تعمیریه سی  
 ثالثا زراعت مکتبیرینک مصارف تأسیسیه و مصارف دائمی سی  
 رابعا صنایع مکتبیرینک مصارف تأسیسیه و مصارف دائمی سی  
 خامسا واردات ولایتک مصارف تحصیلیه سی  
 سادسا اماکن و عقارات ولایتک مصارف تعمیریه سی  
 سابعا عقاراتک ویرکوسی ایله سیغورطه بدلی  
 ثامنا انهارکنارلرنده کی اسکله لارک مصارف تعمیریه و اداریه سی  
 تاسعا سکسان بشنجی و سکسان التنجی ماده لرده بیان اولنان خصوصاتک  
 اجراسی ایچون اختیار اولنه حق مصارف  
 عاشرا سکسان التنجی ماده ده بیان اولنان امانات  
 احدی عشر سکسان یدنجی ماده ده بیان اولنان سرکینک مصارف  
 تأسیسیه و اداریه سی  
 اثنی عشر مجلس عمومینک لوازم قرطاسیه و مصارف تقریشیه و احراقیه  
 و متفرقات ساثره سی  
 ثالث عشر مطبعه ولایت و ولایت غزیه سی مصارف  
 رابع عشر مجلس عمومی اعضالینک انتخابی ایچون وقوع بوله حق مصارفات  
 یوز اوتوزنجی ماده : بالاده بیان اولنان واردات و مصارفدن هر سنه اخذ  
 و صرف ایدیلنر و واردات و مصارف عادیه دن و متباقیسی واردات و مصارف  
 فوق العاده دن معدود اولوب بودجه ده بونلر آیری آیری کوستریله جکدر .  
 یوز اوتوز برنجی ماده : مجلس عمومی شعبات اداره طرفدن تنظیم، دفتردار

طرفین جمع و تألیف و مجلس اداره ولایت طرفین تصدیق ایدیلارک والی واسطه سبله اعطا ایدیلان ولایت خصوصی بودجه سنی تدقیق و لزوم کوردیکی جهت لری بالنعیدیل تصدیق ایدر .

یوز اوتوز ایکنجی ماده : مجلس عمومی سنه سابقه عائد اولوب حساب قطعیمی سنه آتی بودجه سبله رلکده مجلس عمومی یه ویرله جک اولان مصارفاتک صورت جریانی تحقیق و بوباده مجلس اداره لایتجه تنظیم ایدیلارک اولان لایحه یی تدقیق ایدرک اتخاذ قرار ایدر .

یوز اوتوز اوچنجی ماده : مجلس عمومی جماعت مجلس لری طرفین اتخاذ اولنان مقرراتی بالنقدیق اعطای قرار ایله ده مکلفدر .

یوز اوتوز دردنجی ماده : مجلس عمومی اجرامی طوغریدن طوغرییه والیه عائد اولوب علیهنده والی طرفین اعتراض وقوع بولامش و یا اعتراض وقوع بولدینی حالده شورای دولته قبول و تصدیق ایدلامش اولان مقررات ایله محتاج استیذان اولوب بعد الاستیذان دوائر مرکزیه جه قبول ایدیلان مقرراتک نه درجه یه قدر اجرا اولندیغنی تحقیقه و هر دوره اجتماعه استیذاسنده اجرا آت واقعه حقنده والی طرفین ویریلن ایضاحاتی قناعت بخش کورمدیکی حالده بویوله جریان ایدن مذاکراتی عیناً احتوا ایده جک اولان ضبطنامه عموم هیئت طرفین بالنحتیم داخلیه نظارته ارسال اولنور .

یوز اوتوز بشنجی ماده : مجلس عمومی اشبو قانونک والینک وظائفنه دائر اولان التمش دردنجی و التمش بشنجی و التمش سکرنجی و التمش ویتش برنجی و یتش ایکنجی و یتش اوچنجی و یتش التنجی و یتش سکرنجی و سکسان بشنجی و سکسان یدنجی ماده لرنده مندرج اولان موادی بالذا کره تحت قراره آلمقله مکلفدر .

یوز اوتوز التنجی ماده : مجلس عمومی داخل ولایتده شهنودفر و لیمان و ریختیم کبی عملیات جسمیه اجرا سنه لزوم کورلدیکی حالده مرکزیدن استیذان اولمقی اوزره قرار اعطاسنه مأذوندر . بومقررات انجیق واردات خصوصیه

ولایتله اجرا اولنه حق مواده منحصر اولوب بونک غیری مواد مماثلده مجلس عمومی یالکیز بیان تمینات ایلر .

یوز اوتوزیدنچی ماده : طقسان بشنچی مادهده ذکر اولندینی اوزره مجلس عمومی ولایتک خصوصی بودجه سنده مرقم وارداتسک برسنه لکنک ثانی درجه سنده اولق ونهایت بش سنده اودنمک اوزره ولایت نامنه استقراضه قرار اعطاسنه مأذوندر .

بوندن زیاده مقدار ایچون برسنه لک واردات درجه سنه قدر اولق ونهایت اون بش سنده تسویه ایدنک اوزره عقد ایدیله جنک اولان استقراضات حقده ولایتجه تنظیم اولنان نظام مخصوص لایحه سی تدقیق ایله مرکزدن استیدان اولنق اوزره قرار اتخاذه ده مجلس عمومی نکل جمله وظائفنددر .

یوز اوتوز سکزنچی ماده : مجلس عمومی ولایتک خصوصی بودجه سنده داخل اولان انشآت واعمالاتک وولایتله عائد عقارات تعمیراتسک درجاتی تعیین وکشف وبلانلری تدقیق ایدرک اتخاذه مقررات ایلر بودجه نکل واردات وصرفیاتی مجلس عمومیجه قبل التصدیق موقع اجرایه قونیله مز شو قدرکه مجلسک منعقد اولمادینی برزمانده بعض تعمیرات مستعجله یه احتیاج مس ایدوبده مصارفک تصدیق ایچون زمان اجتماعه انتظار قابل اولمادینی حالده والی طرفدن تعمیرات مزبوره اجرا ایتدیریلوب ایلك اجتماعده کیفیت اسباب موجب سیله مجلسه تودیع اولنور

یوز اوتوز طقوزنچی ماده : ولایات متجاوره بیننده مشترک وشمیتی مجلس عمومییه مودوع اولان مصالح حقده حصول ائتلافه ویا مشترک برقرار اعطاسنه لزوم کوریلور ایسه اوولایتلر مجلس عمومیلری اعضا سندن منتخب ذواتدن مرکب اولق وین الولاة بالمخبره تعیین اولنه حق موقعده انعقاد ایتمک اوزره بر انجمن تشکیل اولنور انجمن هر هانکی ولایت داخلنده تشکیل ایدرسه اوولایتک والیسی بالذات ویا وکیل اعزامیله ریاست ایدر انجمنک اتخاذه ایده جکی مقررات رئیس طرفدن علاقه دار اولن ولایتلرک والیارینه تبلیغ اولنور والیرمقررات

صادره نك قبول و یا عدم قبولی منسوب اولدقلری ولایت مجلس عمومیسنك ایلام اجتماعنده موقع مذاکره قویه رق نتیجه سنی انجمنه اجرای ریاست ایدن والی به بالاتأخیر بیلدیرلر . مجلس عمومیارجه انجمن قراربنه بیان موافقت ایدلدیکی حالده مقررات صادره نك اجراسنه علاقهدار اولان ولایات والیلى بالاتقاي ابشدار ایدرلر . مقررات علیهنه اعتراض وقوع بولدیغی تقدیرده اعتراضات واقع نك تدقی ایچون انجمن تکرار اجتماع ایدر . ایکنجی دفعه اتحاد ایدیله جك مقررات علیهنده ینه اعتراض وقوع بولور ایسه کیفیت شورای دولته جل اولمق اوزره انجمنه ریاست ایدن والی طرفدن داخلیه نظارتنه اشعار اولنور .

## ایکنجی فصل

مجلس اداره ولایت

### برنجی قسم

مجلس اداره ولایتك اصول مذاکره سی

یوزقرقنجی ماده : مجلس اداره ولایت اعضای مرتبه نك نصفندن برزیده سی موجود اولدقجه اجرای مذاکره ایده مر . مقرراتی اکثریت آرا ایله اتخاذ و تساوی آرا وقوعنده رئیسك بولندیغی طرف ترجیح اولنور . برایشده اعضای موجوده نك اکثریت مطلقه سی حاصل اوله ماز ایسه مذاکره ایرتسی جلسه یه تعلیق وینه اکثریت مطلقه حاصل اوله مدینی حالده اکثریت نسبییه ایله اتخاذ قرار ایدیلر . مذاکراتك منتظماً ضبطی طوتمق و بوضبطك بالاسنده اعضای موجوده نك اسامیسی وزیرنده امضالری بولمق لازمدر .

یوز قرق برنجی ماده : مجلس اداره به محول اوراق روز نامه مذاکرات نامیه بردفتره قید اولندقدن صکره مقام ریاستدن اولامستهمجل اولان موادموقع مذاکره به وضع ایستدیریلوب بعده مواد سائره صره نومروسیله قرائت و مذاکره ایدیلور . برایشه قرار ویرلدکده اسباب موجبہ سنی و اتفاق و یا اکثریت آرا ایله قرار ویرلدیکنی و مواد مختلف فیماہ مخالفلرک اسباب اختلافاتی کانبار ضبط ایدرک اجتماع آتیده اک اول قرائت اولنور . نقصان اولدینی تقدیرده مجلسک رأی وقراری ایله باش کاتب طرفدن تصحیح اولندقدن صکره رئیس ایله اعضای موجوده و باش کاتب امضا و تصدیق ایدرلر و اشبو ضبط جریده لرینک حسن اداره و محافظه سندن باش کانبار مسئولدر .

### ایکینجی قسم

#### مجلس اداره و لایتک وظائفی

یوز قرق ایکینجی ماده : مملکتک احتیاجاتنه عائد اولان کراسته و محروقات ایچون اورمان نظامنامه سی حکمنجه لازم کلان رسوم مقدارینک و مسافاتنک تعدیل و تعیینی مجلس اداره و لایت عائددر .

یوز قرق اوچنجی ماده : مجلس اداره و لایت مأمورین ولایت میانسده و وظیفه و صلاحیتلرینه دائر تحداث ایدن احتلاقاتی و والی طرفندن امور اداره به دائر حواله اولنار بالخله وادی تدقیق و مذاکره ایله قرار اعطاسنه دخی مأموردر .

یوز قرق دردنجی ماده : مجلس اداره و لایت الویه و یا مرکزہ تابع قضالر مجلس اداره و لایتک ویره جکی مقرراتک لدی الایجاب مرجع تدقیق ایسه مجلس اداره سندن صادر اوله حق مقرراتی درجه ثانیه ده تدقیق ایله اتخاذ قرار ایدن شورای دولندر .

یوز قرق بشنبجی ماده : اشخاصه متعلق مصالح حقننده ولایتک شعبات اداره‌سندن درجهٔ انتهایده اتخاذ اولنان قرارلر علیهنه ارباب مصالح طرفندن وقوع بوله‌حق اعتراضات مجلس ادارهٔ ولایتجه تدقیق اولنور . ولایت مجلس اداره‌سی قرارلر علیهنه ارباب مصالحک اصولی دائره‌سندده شورای دولته مراجعت حتی واردر انجق مجلس ادارهٔ ولایت بو مثللو مواد حقننده‌کی قرار یتخذک اجراسنی تأمیناً تدابیر لازمه اتخاذینده قرار ویرر .

یوز قرق آلتنجی ماده : مجلس ادارهٔ ولایت مجلس عمومی طرفندن تصدیق اولنان خصوصی بودجه‌نک درجهٔ اجراییه‌سی مبین اوله‌رق شعبات عائدده‌سنجه هر آی نهایتنده تنظیم اوله‌حق جداولی تدقیق و بولردن موافق و یا غیر موافق کوردکلری قراره ربط ایدر .

یوز قرق یدنجی ماده : یکرمی بشنبجی و یکرمی آلتنجی ماده‌لرده بیان ایدیلدیکی وجهله مأمورین ولایتک عزلی و تحت محاکمه آلتنجی تقرر ایدتولرک اجرای محاکمه‌سی و والی طرفندن حواله ایدیله‌جک اوراقک تدقیقیله مقتضاسنک باقرار تعیینی دخی مجلس ادارهٔ ولایت عائددر .

یوز قرق سکزنجی ماده : هر نوع فابریقه و اعمالخانه و دپولر و دارالصناعه‌لر تأسیسی ایچون وقوع بوله‌حق مستدعات اوزرینه کراسته قطع و اعمالنه مخصوص حزارلره رخصت اعطاسی خصوصنک تدقیق مجلس ادارهٔ ولایته محولدر .

یوز قرق طقوزنجی ماده : ولایتک خصوصی بودجه‌سنه داخل و مجلس عمومیجه اجراسی مقرر اولار باطلهٔ انشآت و تعمیراتک مناقصه و یا مزایده‌رینک اجراسیله احاله‌سی حقننده قرار اعطاسی دخی مجلس ادارهٔ ولایت عائددر .

یوز آلتنجی ماده : مرکز سنجاغنده مجلس ادارهٔ لوا وظائفی مجلس ادارهٔ ولایته محول اولدیفی . کبی مرکز قائم مقاملنی تشکیلی ایتمیان محولدرده مجلس قضایه عائدوظائف کذلک مجلس ادارهٔ ولایته محولدر .

یوز الای برنجی ماده : تصدیق نظامات مخصوصه ایله مجالس اداره‌یه حواله

ایدلماش اولان جداول ودفاترک مجالس مذکوره جه تصدیق حقنده دواثر  
مرکزیه دن ویرلش اوامر ایله بویولده کی تعاملر ملغادر .

## دردنجی باب

### الویه غیر ملحقه

یوزاللی ایکنجی ماده : اشبو قانونده والیارو شعبات اداره رؤساو مأمورینی  
ایچون تعیین اولنان وظائف وصلاحیت الویه غیر ملحقه متصرفلرینه و شعبات  
اداره مأمورلرینه تماماً تطبیق اولنور . مجلس عمومی و مجلس اداره ولایتک  
تشکیلات ووظائفی الویه غیر ملحقه ده کی مجلس عمومی و مجلس اداره حقنده  
دخی جاریدر .

## بشنجی باب

### الویه ملحقه

## برنجی فصل

### متصرفلرک وظائفی

یوزاللی اوچنجی ماده : متصرفلر لوارده قوه اجرائیه تک الک بویوک  
مأموری اولوب لوارک اداره عمومیه سی کندیلرینه محولدر . آسایش وامنیته  
اداره سی اسبابنک مستمراً استکمالنه وبالجمله صنوف اهالینک حائز اولدینی حقوق

مشروعه بی تأمین و دولتك حقوقی و قایه به مجبور و لوانك تزید عمرانی امرنده  
متادیا صرف مساعی ایله مكلفدرلر .

یوز الی دردنجی ماده : متصرفلر ضابطه عدلیه به عائد وظیفه لرینی اصول  
محاکمات جزائیة قانونسده معین اولدینی وجهله وضابطه مانعه به عائد اولان  
وظیفه لرینی زاندارمه و پولیس هیئتلری و دوائر بلدیة و مأمورین ملکبه و ساطنبه  
ایفا ایدرلر .

یوز الی بشنجی ماده : متصرفلر قرق یدنجی ماده ده بیان اولنان احوالده  
والیه معلومات اعطاسیله برابر داخل لواده موجود قوه عسکریه بی همان استخدا مه  
مأذوندلرلر . موجود قوه عسکریه ایله ده تسکین ایدیه به جك قدر بیوك بر  
قاریشلق و یا خود اختلال ظهور ایده جکخی کوسترر آثار و امارات حدود  
ایدرسه درحال والیه اعطای معلومات ایده جکلردر .

یوز الی آلتنجی ماده : متصرفلر مأمور اولدقلری لوانك سهوا حائنده  
حفاظه و اشیای ممنوعه و رسومات حقایق جیلغك منهی ایچون بحر آدابیر مخصوصه  
اتخاذینه لزوم کوردکلری حالده درحال والیره مراجعت ایده جکلردر .

یوز الی یدنجی ماده : متصرفلر هر سنه داخل لواده مناسب کوره جکلری  
زمانده والیدن بعدالاستیذان دور و تقشش اجراسنه مأموردر .

یوز الی سکننجی ماده : متصرفلر داخل لوایی دور و تقشش لرنده تصادف  
ایده جکلری احوال و احتیاجاته واکا قارشو اتخاذی لازم کلان تدابیره دائر لایحه  
لر تنظیمه والیه ارسال ایدرلر .

یوز الی طقوزنجی ماده : متصرفلر مرکز مأموریت لرندن موقتاً غیو-  
بتلرنده و یا مانعلری ظهورنده ارکان لوان مناسب اولان ذاتی توکیل ایدرلر .

یوز التمشنجی ماده : متصرفلر هیئت محاکمك اوقات معینه ده بالاجتماع  
ایشلرك سرعته رؤیتی ایچون مأمورین شرعبه و عدلیه به اخطار اتده بولنه جق

و دوام سزاقاری تعین ایدنار حقننده ولایتہ اشعار کیفیت ایدہ جکار در .

یوزالتمش برنجی ماده : متصرفلر امور شرعہ وعدایہنک تسریع رؤیتی و مقررات صادرہنک تنفیذ و تمشیفی خصوصندہ نظارت کاملہنی حازر و بوبادہ مأمورین عائدہسی طرفندن طلب اولنہ حق معاوی در حال اجرا ایله مکلفدر .

یوزالتمش ایکنجی ماده : متصرفلر حبس-خانہلر نظامنامہسی احکامنک تماماً تطبیقہ وقت وارہ صرہ مرکز و ماحقات توقیفخانہ و حبس-خانہلرینی بالذات و باباواسطہ تفتیش و معاینہ ایله اصلاحات لازمہ اجرا ایدرلر .

یوزالتمش اوچنجی ماده : متصرفلر اخذعسکر قانوننک صورت تطبیق و اجراسنی تسہیل ایله برابر افراد جدیدہنی جلب و جمع وعسکر فراری و بقا-یاسنی دردست ایتدیرمک وظیفہسیلہ مکلفدرلر .

یوزالتمش دردنجی ماده : متصرفلر نفوس نظامنامہسی احکامنک و بوبادہ والیردن الہ جقلری اوامرنک تماماً تطبیق و اجراسنہ مأموردرلر .

یوزالتمش بیشنجی ماده : متصرفلر کالیف و مرتبات . بریہ ن لوایہ عائد اولان اقسامک تحصیلات و صرفیاتنک قوانین و نظامات و تعلیمات مخصوصہسنہ توقیفاً جریاسنہ نظارت ایدرلر .

یوزالتمش التنجی ماده : متصرفلر وارداتنک تحقیقاتندہ ظهور ایدہ جنک فضلہویا نقصانک و واردات تحصیلاندہ نقصان وقوع بولورایسہ انک اسباب موجبہسنی بالتحقق ولایتہ بیلدیر مکله مکلفدرلر .

یوزالتمش بدنجی ماده : متصرفلر علی العموم تحریر و تعدیل املاک معال-ملاتنک حقوق خربنہ و اهالینی محافظہ ایدہ جنک صورتندہ و وقت وزمانیلہ اجراسنی تأمینہ مأموردرلر .

یوزالتمش سکزنجی ماده : متصرفلر معارف ، نافعہ ، صنایع ، تجارت معادن ، زراعتہ عائد خصوصات حقننده ولایتک حصصوصی بودجہسنہ داخل

اولوب طرف ولایتدن مأذونیت و یریلان خصوصاتی اجرا و نتایج و درجاتی بیدری و الیه انها ایدرلر ، متصرفلر لوانک هر درلو و سائل عمراییه‌سی حقنده ولایت بیان مطالعه ایدرلر .

یوزتمش طوقوزنجی ماده : داخل لواده انشا ایدیله جک طرق و معابر اعمالاتک اوصاف و شرائط مطلوبه‌یی حائز اولمسنه و تعمیرات متبادیه اجرا سیله حسن حالده محافظه‌سنه دقت ایتمک دخی متصرفلر عائددر .

یوزتمشجی ماده : متصرفلر سیر سفائن قابل اولمیان صومجرالری اوزرنده دکرمن و قابر یقه و سدانشاسی و معدن تطهیر خانلری تأسیسی کی اعمالات اجرایی ایچون محذور فی اولمدیقی تقدیرده رخصت اعطاسنه . اؤوندرلر .

یوزتمش برنجی ماده : متصرفلر میاه مملوکنک مضر صحت بطاقلقلر تشکیل و یاخود یوللری تخریب و مرور و عبوره ایقاع مشکلات ایتماسی ایچون مجرالری صاحبلینه تطهیر ایتدیرمکله مکلفدر .

یوزتمش ایکنجی ماده : متصرفلر اوقاف اداره‌لرینه عائد بالعموم و ضائف حقنده نظارت کامله‌یی حائزدرلر .

یوزتمش اوچنجی : متصرفلر اشبو قانون و قوانین سائر ایله مکلف و مأذون اولدقاری احوالدن ماعدا خصوصاتی والیدن استبدانه و ولایتدن آله جقلری اوامر و تأمینی اجرایه مأموردلر .

## ایکنجی فصل

### برنجی قسم

#### مجلس اداره لوانک و ضائفی

یوزتمش دردنجی ماده : مجلس اداره لوا حکومت عائد هر نوع مزایدات و منافصاتی قوانین و نظامات مخصوصه‌سنه توفیقاً بالاجرا لازم کان مقاولاتک تعیین شرطنه و واردات عشریه و رسومیه‌نک قانون و نظامی موجبجه مزایده

واحاله سنه ومیری اور مانلرندن نظام مخصوصه سنه توفیقاً کراسته قطعنک مزایدہ۔  
 سنه وایتام وتشکلی حالنده اعتبار واقتصاد صندوقلرینک تقیش احوالنه وحکو۔  
 متعاند کافه اموال منقولہ وغیر منقولہ ایله مبانی خیریه نیک نظارت ومحافظه سنه  
 ودوائر مرکزیه چه لزوم کوسستریله جک جداول وسندنا نیک تدقیقه وقانون  
 مخصوصی موجبہ نفوس معاملاتنک اجرا واتصدیقہ ودوائر بلدیہ مجلسلری  
 مقرر اتندن صلاحیتی داخلندہ اولانلرک ودوائر بلدیہ بودجهلرینک تدقیق واتصدیقہ  
 وبنایر لرلی وقبرستانلرک تخصیص وتحویلی حقندہ قرار اعطاسنه مأمورد لرلی۔  
 یوزیمش بشنچی ماده : مجلس اداره لوانک مذاکرات ومقرراتی اشبو  
 قانونک یوز قرقنچی ویوز قرق برنجی ماده لرندہ مصرح احکامه تابعدر۔  
 یوزیمش آلتنچی ماده : مجلس اداره لوا مأمورین لوا میانسندہ وظیفه  
 وصلاحتلرینہ دائر تحدت ایدن اختلافاتی ومتصرف طرفندن امور ادارهیه  
 دائر حواله اولنان موادی تدقیق ومذاکره ایله قرار اعطاسنه دخی مأمورد ر۔  
 یوزیمش یدنچی ماده : مجلس اداره لوا قضا مجلس اداره سندن صادر اوله حق  
 مقرراتی عندالایجاب تدقیق ایدر۔ مجلس اداره لوانک بعدالتدقیق ویره جکلری  
 مقررات مجلس اداره ولایتده درجه اخیرده تدقیق اولنه بیلور۔  
 یوزیمش سکنزنجی ماده : اشخاصه متعلق مصالح حقندہ لوانک شعبات  
 اداره سندن درجه اتہائیهده اتخاذ اولنان قرارلر علیہنه ارباب مصالح طرفندن  
 وقوع بوله حق اعتراضات مجلس اداره لواجه تدقیق اولنور۔ لوا مجلس اداره سی  
 قراری علیہنه ارباب مصالح ولایت مجلس اداره سنہ مراجعت حق واردر۔  
 یوزیمش طقوزنجی ماده : اوتوزنجی واوتوز اوجنچی مادهده بیان  
 ایدلیدیکی ونجهله شعبات اداره رؤسای طرفندن معیت مأمورلرینک عزلی وتحت  
 محاکمہ آلتنسی حقندہ ویریلوب متصرف طرفندن حواله ایدیلہ جک اورافک  
 تدقیقہ مقتضاسنک باقرار تعینی دخی مجلس اداره لوايه عائددر۔

## اوجنچی فصل

### ارکان و مامورین لوانک وظائفی

یوز سکسانجی ماده : ارکان و مامورین لواندن هربری وظیفه ماموریتلرینه متعلق قوانین و نظامات احکامی و ولایتده کی آمرلیله متصرف طرفدن ویر- یله جک اوامر و تنبیهاتی اجرا ایله مکلف و قوانین و نظامات مخصوصه ایله معین اولان وظائفک و دائره ماموریتلری داخلنده بولنان کافه معاملاتک صورت جریاننده متصرفه و ولایتده کی آمرلینه قارشو مسئولدر .

یوز سکسان برنجی ماده : ارکان و مامورین لواندن هربری معتبرنده بولنان مامورلرک حرکتلرینی تفیش و تدقیق و بولندرن موجب جزا و عزل و محاکمه احواله جرأت ایدنلر حقننده اسباب موجبیهنی حاوی اوراقنی متصرفله اعطا و ایفای وظیفهده حسن خدمتی کوریلنلرک ترفیع و ترقیلرینی متصرفه اتها ایدر . یوز سکسان ایکنجی ماده : ارکان و مامورین لواندن هربری متصرف طرفندن حواله و تودیع ایدیلان ایشلر اوزرینه ایجاب ایدن تدقیقاتی اجرا و معلومات و مظالمه لرینی بیان ایلمک مجبوردر .

یوز سکسان اوجنچی ماده : مرکز لوانده معارف مامورانی وظیفه سی لوانده کی الکیوک ملک مکیتنک مدیرینه محولدر و مدیر مکیتب متصرفدن و معارف مدیرندن الهجنی اوامر و تعلیماتی اجرا ایدر . انجق مجلس اداره اعضا لغنده بولنه ماز .

## آلتنجی باب

### قضالر

## برنجی فصل

### قائم مقاملرک وظائفی بیانندهدر

یوز سکسان دردنجی ماده : قائم مقاملر قضالرده قوه اجرایهنک الکیوک

مأموری اولوب قضایک اداره عمومیه سی کندیلرینه محولدر . آسایش و امنیتک ادامیه سی اسبانک مستمر آ استکمالنه و بالجله صنوف اهالیك حائز اولدینی حقوق مشروعه نی تأمین و دولك و خزینة دولك حقوقی و قایه به مجبور و قضایک تزیید عمرانی امرنده متبادیاً صرف مساعی ايله مكافدر .

یوزسکسان بشنجی ماده : قائمقاملر یوزلالی او چنجی و یوزلالی دردنجی و یوزلالی آلتنجی و یوزلالی یدنجی و یوزلالی سکزننجی و یوزلالی طقوزنجی و یوزالتشنجی و یوزالتش برنجی و یوزالتش ایکینجی و یوزالتش او چنجی و یوزالتش دردنجی و یوزالتش بشجی و یوزالتش آلتنجی و یوزالتش یدنجی و یوزیتشسینجی و یوزیتش برنجی و یوزیتش ایکینجی ماده لرده محرر و وظائفی منحصر آ بولدقاری قضایه عائد اولق اوزره اجرا ايله مكافدرلر و مواد مذکورده متصرف طرفدن والیه یازیه جی بیان اولان خصوصات قضالرده قائمقام طرفدن متصرفه بیلدیرله جکدر .

یوزسکسان التنجی ماده : قائمقاملر معارف ، نافع ، صنایع ، تجارت ، اورمان ، معادن ، زراعت عائد خصوصات حقنده ولایتک خصوصی بودجه سنه داخل اولان موادی طرف ولایتدن و بریلان مآذونیده و متصرفلقدن صادر اولان امره بناءً اجرا و نتایج و درجاتی بی دربی متصرفه انهابدر .

یوزسکسان یدنجی ماده : قائمقاملر قضایه عائد امول منقوله و غیر منقوله نك سیغورطه مقاوله نامه لرینك متصرفدن بعد الاستیذان عقدینه و کتبجا نملرکشاد و بونلره لازم اولان آناری بیدری جمع و اشترايه مآذوندرلر .

یوزسکسان سکزننجی ماده : قائمقاملر اشوقانون و قوانین سائر ايله مکلف و مآذون اولدقاری احوال دن ماعدا خصوصاتی متصرفدن استیذانه مجبوردرلر .

یوزسکسان سکزننجی ماده : قائمقاملر اشوقانون و قوانین سائر ايله مکلف و مآذون اولدقاری احوال دن ماعدا خصوصاتی متصرفدن استیذانه مجبوردرلر .

## ایکینجی فصل

### مجلس اداره قضاتک وظائفی

یوزسکسان طقوزنجی ماده : قضا مجلس اداره سی حکومت عائد هر نوع مزایدات و مناقصاتی قوانین و نظامات مخصوصه سنه توفیقاً بالاجرا لازم کلان مقاولانک تعیین شرائطه و واردات عشریه و رسمیه نک قانون و نظامی موجبجه مزایده و احاله سنه و میری اورمانلریدن نظام مخصوصه توفیقاً کراسته قطعنک مزایده سنه و ایتم و تشکلی حالده اعتبار و اقتصاد صندوقلرینک تقشیش احوالنه و حکومت عائد کاتبه اموال منقوله و غیر منقوله ایله مبانی خیریه نک نظارت و محافظه سنه و دواثر مرکزیه چه لزوم که ستریه جک جداول و سندتک تدقیقه و قانون مخصوصی موجبجه نفیس معاملاتک اجرا و تصدیقه و بلدیله مجلسلریله داخل قضاده کی نواحی اداره مجلسلری مقرراتندن صلاحیتی داخلنده اولانلرینک تدقیق و تصدیقه و بازار یرلری و قبرستانلرک تخصیص و تحویلنه و مأمورین قضا آره سنه و وظیفه و صلاحیتلرینه دواثر تولد ایده جک اختلافاتک و قائم مقاملر طرفندن امور اداره به دواثر حواله اولنان هر نوع موادک تدقیق و مذاکره سیله قرار اعطاسنه مأموردر .

یوز طقسانجی ماده : مجلس اداره قضاتک جریان مذاکراتی و انضباط اداره سی یوزیتش بشنجی ماده ده تصریح اولنان احواله تابعدر . مجلس اداره قضاده کتابت و وظیفه سی قضا تحریرات کاتبلرینه عائددر .

یوز طقسان برنجی ماده : مجلس اداره لواحقندکی یوزیتش دردنجی و یوزیتش بشنجی و یوزیتش طقوزنجی ماده لره معطوف علیهی اولان مواد قضامجلس اداره لرینه شاملدر .

## اوچنجی فصل

### مأمورین قضا

یوز طقسان ایکینجی ماده : مأمورین قضا دن هر بری و وظیفه مأموریتلرینه

متعلق قوانین و نظامات احکامی و لواده کی آمرایله قائم مقام طرفندن ویریه جک اوامر و تدبیراتی اجرا ایله مکلف و قوانین و نظامات مخصوصه ایله مبین اولان وظائفک اثره مأموریتلری داخلده بولنان کافه معاملانک صورت جریانندن طوغریدن طوغری به قائم مقامه و لواده کی آمرالینه قارشی مسئولدر .

یوز طقسان اوچنجی ماده : مأمورین قضادن هرری معتبارنده بولنسان مأمورلرک حرکنلرینی تفیش و تدقیق و بولنلردن موجب جزا و عزل و محاکمه احواله جرأت ایدنلرک اسباب موجبیه یی حاوی اوراقی قائم مقاملره اعطا و ایضای وظیفهده حسن خدمتی کوریلنلرک ترفیع و ترقیلرینی قائم مقامه انها ایدر .

یوز طقسان دردنجی ماده : مأمورین قضادن هرری قائم مقام طرفندن حواله و تودیع ایدیلان ایشار اوزرینه ایجاب ایدن تدقیقاتی اجرا و معلومات و مطالعه لرینی بیان ایلدکه مجبوردر .

یوز طقسان بشنجی ماده : قضاده معارف مأمورلنی وظیفه سی الکیسوک ملکیه مکتب مدیر و یامعلم اولالکنه مودوعدر . بوذات قائم مقامدن و لوا معارف مأمورندن آله جنفی اوامر و تعلیماتی اجرا ایدر . انجق مجلس اداره اعضالغنده بولنه ماز .

## التنحی باب

نواحی به دائردر

یوز طقسان التنحی ماده : اهمیت موقعیه و یا بعدیت مسافه سببیه موجود قضاسرکز لرندن برینه ربطی امر اداره جه موجب مشکلات اولان و فقط آیرنجیه قضا تشکیلنده الیرشلی بولنمیان قریه لرندن برناجه تشکیل ایدیلرک مراکز موجوددهن مناسبنه ربط ایدیلور ناحیهده مدیردن بشقه کاتب وضا بطه و مال مأموری و ایجابنه کوره سائر مأمور بولندیریلور .

یوز طقسان یدنجی ماده : ناحیه نك مرکز قریهده کی اختیار مجلسندن بشقه بر مجلس اداره سی واردر . بوکا مدیر ریاست ایدر و کاتب و مال مأموری

وارایسه نائب اعضای طبعیه دن اولوب درت نفرده اعضای منتخبه سی وارد ر.  
 یوزطقسان سکرنجی ماده : ناحیه مجلسی اعضایی هرا یکی سنه ده بر نصی  
 تبدیل اولتی اوزر درت سنه مدته قری اختیار مجلساری اعضایی طرفدن انتخاب  
 اولنور. ناحیه مجلسی اعضا لقه انتخاب اولنه بیلمک ایچون مبعوث انتخاب اولنه بیلمک  
 صلاحیتی حاز اولتی لازمدر قری اختیار مجلساری اشبو اوصاف قانونیه نی  
 حاز ذواتن قاج اعضا انتخاب اولنه حق ایسه الکی یکی مثلی درجه سنده اعضایی رای  
 خفی ایله بالانتخاب بر ورقه اسماری نی تحریر ایله مظر و فاً ناحیه مدیرینه تودیع ایدر لر .  
 ختام انتخاباتده اشبو رای ورقه لری ناحیه نك مربوط بولندی نی قضایه  
 ارسال ایدیلر ك ایچلرندن اكثریاده حاز اکثریت اولنلر قائم مقام قجه اعضا .  
 لقه تعیین اولنور . مدتری منقضیه اولمده دن اول منحل اولان اعضا لقه مدت  
 متباقیه نی اکل ایچون اولجه انتخاباتده ایکی درجه ده حاز اکثریت اولنلر دن  
 برینك اجرای مأموریتی جائزدر . امام و پاپاس و خا خاملر ایله مکتب معلماری  
 ناحیه مجلس اعضا لقه انتخاب ایدیلر من .

یوزطقسان طقوزنجی ماده : مدیرك معینده طرف حکومتدن منصوب  
 بر ناحیه کاتبی وارد ر . ناحیه نك جسامتنه کوره کذلک منصوب و موظف  
 بر کاتب معاونی تعیینی دخی جائزدر . ناحیه کاتبی و معاونی ناحیه مجلسنك خدمت  
 کتابتیه ده مأمور و محرراتدن و مجلسك مضابط و قیوداتندن مسئولدر . بونلر ك  
 تعیینی قائم مقامه عائد اولدی کی عزلی دخی قائم مقامك صلاحیتی جمله سندندر .  
 مدیرك بونلر علیهنده حق شکایتی وارد ر .

ایکی یوزنجی ماده : مدیر قضا قائم مقاملغندن تبلیغ اولنه حق قوانین  
 و نظاماتك اوامر و تعلیمات حکومتك نشر و اعلان و تطبیق و اجرا سنه مأمور  
 و ضابطه عدلیه و ظیه سی ده حازدر .

ایکی وز برنجی ماده : مدیر ناحیه ده ضابطه مانعه و وظیفه سیله دخی مکلفدر  
 ضابطه و وظیفه سی ایفاده مدیرك و سائلط اجرا ییه سی ناحیه ده ژاندارمه نفراتی  
 و اورمان قور یجیلر بله کوی بکجیلر یدر .

ایکی یوز ایکنجی ماده : بر ناحیه به حکومتجه لزوم کوریلوب ضابطه  
مأموری کوندرلیدی حالده مدیرک ضابطه به عائد اولان وظائف او مأموره انتقال ایدر.  
ایکی یوز اوچنجی ماده : مدیر ناحیه ده وظائف بلدیته ک دخی ایفاسنه  
مأمور اولوب بونک ایچون بلدیته قوانین ونظاماتنه و ناحیه مجلسنک مقرر اتنه  
توفیق معامله ایلر .

ایکی یوز دردنجی ماده : ناحیه مجلسلری قوانین ونظامات ایله معین اولان  
مواد حقنده قائم مقام ومتصرف ووالی طرفندن طلب اولنان خصوصات ایچون  
بیان مطالعه ایتمکله مکلفدرلر . ویوز سکسان طقوزنجی ماده ده محرر مواددن  
ناحیه به عائد اولانلری ایفا ایلرلر .

## سکزنجی باب

محله وقریه لارک صورت اداره سی

## برنجی فصل

اختیار مجلسلری

ایکی یوز بشنجی ماده : هر محله وقریه ده جسامتنه کوره اعضای منتخبه سی  
اقل درت ونهایت سکزن اولمق وامام وایاس وخالخاملر دخی اعضای طبیعی  
سندن بولنق اوزره بر اختیار مجلسی بولنور بو مجلسک اعضای ناحیه ویا بلدیته  
مجلسلری طرفندن تعیین واعزام اولنان مفتش مواجهه سسنده قریه ویا محله  
اهالیسی طرفندن درت سنه مدته ورأی خفی ایله انتخاب اولنور .  
انتخاب پوصله لری حق انتخابی حائر اولان ذات طرفندن یا بالذات یا زیله رق

ویازی بیلمدیکی حالده کندیسنک امنیت ایله جکی آدمه تحریرایتدیر بله رك ناحیه ویا بلدیبه نك مهریله مختوم بر صندیغك اوزرنده کی دلیكدن ایجری آتیلیر . پوصله لر كاملاً آتیلدقدن صكره صندیق ناحیه وبلدییه مجلسلری مرکزینه نقل ایله مجلس حضورنده كشاد ایدیلیر . الكزیاده رأی قزانا نلك اعضا القلری مجلسلرجه بالتدقیق مدیر ویا بلدییه رئیسى طرفندن اعلان اولنور .

ایکی یوز آلتیجی ماده : قریه هیئت اختیاریه اعضا لگنه انتخاب اولنه جقك تبة دولت علیه دن اولمسی و برسنه دن زیاده حبسه واکا مادل بر جزا ایله محكوم و حقوق مدنیه دن ساقط بولنماش اولمسی و اوتوز یاشنی اكال ایتمش بولمسی شرطدر هر محله وقریه ده تبة دولت علیه دن اولان و حقوق مدنیه دن محروم و محجور اولمیب یكرمی باشنی اكال ایتمش بولنان هر شخصك حق انتخابی واردر .

ایکی یوز یدنجی ماده : مجلسك انعقادینی متعاقب اعضا دن الك مسفی مجلسه موقتاً ریاست ایدرك اول بولر رئیس دائمینك رأی خفی ایله انتخابنه ابستدار اولور . ایکی یوز سكرننجی ماده : رئیس انتخابی اینچون اعضا ی موجوده نك اكثريت مطلقه سی شرطدر اكثريت حاصل و لمازسه ینه عین كونده رئیس انتخابی ینلرنده تجدید اولنور بودفعه ده حاصل اولمدینی حالده اكثريت نسبییه اعتبار اولور .

ایکی یوز طقوزنجی ماده : انتخابده اكثريت قزانا ن ذات بامضبطله ناحیه مدیر ویا بلدییه رئیسنه انما و مدیر و رئیس طرفندن ده ریاستی تصدیق و تسجیل ایدیلور .

ایکی یوز اوننجی ماده : اختیار مجلمی اعضا سنندن برینك یری منحل اولدقده ایکی یوز طقسان سكرننجی ماده موجبجه مدیر طرفندن اجرای معامله ایدیلور .

ایکی یوز اون رنجی ماده : رئیس دائمینك تعیینندن صكره اعضا ی موجوده دهن بری ینه رأی خفی اصولله رئیس ثانی انتخاب اولنور .

## ایکینجی فصل

## قریه و محله مختارلری

ایکی یوز اون ایکینجی ماده : برقریه و محله اختیار مجلسنک رئیس اولی اوقریه و یا محله نك مختار اولی رئیس نایسی ده مختار نایسیدر سکزیجی ماده موجبنه برقریه ده آریجه مختارلقلر تشکیل ایدلدیکی تقدیرده مختارلر ایکیدن زیاده اولورسه و بونلرده اوقریه نك اختیار مجلسی اعضاسی میاننده رئیس اول و نانی کی رأی حقی ايله انتخاب اوله رق مجلس مذکورده سینه اعضا صفتيله بولنور .

ایکی یوز اون اوچنجی ماده : هر مختار کندیسینی انتخاب ایدن محله و یا قریه اهاالیسنک امینی و حکومت قارشی وکیلدر . بوجهتله مختارلرک حکومت و ناحیه یه قارشو کافه تعهداتندن اهالی متسلسلاً مسئول و ضامن و طرف حکومتدن مختاره وقوع بوله حق تبلیغات قریه و یا محله اهاالیسنه قانوناً ساریدر .

ایکی یوز اون دردنجی ماده : مختارلر حکومتک اوامری و مدیرک تدبیهاتی منسوب اولدقلری قریه اهاالیسنه اعلان و قریه نك اختیار مجلسی قرارلرینی اجرا و تحصیل اموال قانونيله معین وظائفی ایفا ایتمک و جانب حکومتدن و محاکم و مجالس طرفندن احضار اوله جقلر حققرنده کیندریلن مذکره لرله حجر نامه پروتستو نامه لری و حکم اعلاملرینی بوليله و وقتيله تبلیغ ایلمک و صید و شکار و سایر ایچون تذکره آلمق ایستیانده و حیوان سرقتی منع ایچون بازار محللرنده ساتیله حق حیواناتک مسروق اولدیغنی مین اصحابنه علم و خبر و بر مرک و فراغ و انتقال معاملاتک اجرایی ایچون لازم کلان علم و خبرلری تنظیم و تحیم ایلمک و قریه سننده واقع اولان کافه تولدات و وفیاتی و مناکحتی و الحاصل نفوسه عائد بالجله و قوعاتی و ورثه صغیر و ضایبی اولدیغنی حالده وفات ایدنلری و ارضی محلوله و مکتومه بی رقریه ده علت ساریه ظهورنده و حیوانلره و باغلره و اکینلره

برخسته لقی عارض اولدوقده کیفتی حکومتی خبری یرمک و هر نوع جراثمی انک  
یقین اولان زاندرمه ویولیس مأموریه ناحیه مدیرینه اخبار و متجاسر لرینک  
دردسته فعلاً معاونت ایلمک و اخذعسکر معاملاتنده بولندینی کوی اهایلسندن  
داخل اسنان اولانلر ایله اخذعسکر مجلسنده وردیف معاینه سنده حاضر  
بولنوب معلومات لازمه نی علی وجه الصحه بیان ایلمک وظیفه سیله مکلفدر.

## اوچنجی قسم

### اختیار مجلسلرینک وظیفه سی

ایکی یوز اون بشنجی ماده : هر اختیار مجلسی قریه ویا محله نك نفوس  
موجوده سنی حاوی سجل نفوس نظامنامه سی موجبجه بولنمی لازم کلان  
دفترلی و مجلس مبعوثان انتخاباته عائد دفترلی حسن محافظه ایده جک و نظاماً  
معین اولان زماندرده وقوعاتی دائرة عائده سنه بیلدیره جکدر .

ایکی یوز اون آلتنجی ماده : هر اختیار مجلسی قریه نك اسباب زراعتی  
تسهیل و چشمه و صو یوللرینی وبالطه لقاری حسن محافظه و اداره و کوی و مرعی  
و چار و مزروعات بکجباریه مواشی چوبانلرینی نصب و تعیین ایده جکی کی  
قریه حدودی داخلنده هر نوع وقوعات و جرائم حقنده تحقیقات اجرا سیله  
مختارلره اخبار ایلیه جکدر .

ایکی یوز اون یدنجی ماده : قریه لرده محصولات و محصولات بیغیرلرینه  
و آخور و صانلق کی محملره و اشجار مغروسه یه ایقاع ایدیلان خساراتک  
و سرقت اولنان حیواناتک قاعلرینی تحری و حکومتی اخباره اختیار مجلسلری  
مجبوردر . و قاعلی مجهول اولان خساراتک قسامه تضمینی ایچون متضرر اولانلر  
محاکم عادییه مراجعتی حق و صلاحیتی اوله جق و محاکمه جه دخی بالمحاکمه تعیین

ایده جک مقدارک اهالی قرادن تحصیلنه حکم اصدار ایده جکدر قرار مذکورک  
اجراسی اختیار مجلسنه عائددر .

## دردنچی فصل

محلله وقری بکجیلری وکوی چوبانلری

ایکی بوز اون سکدنچی ماده : علی العموم بکچی وکوی چوبانلری  
تبعه دولت علیه دن اولمق وحقوق مدنیه دن محروم ویا ضابطه نظارتی آلتنده  
بولانلردن اولماق شرطدر .

ایکی بوز اون داقوزنچی ماده : بکچی وکوی چوبانلرینک معاش وخصصاتی  
کندولرینی انتخاب و تعیین ایدن محلله وقریه اهالیسی طرفندن اعطا قلنه جقدر .

ایکی بوز یکرمچی ماده : کوی بکجیلری کندیلرینه حواله اولنان جایر  
ومرعی وسائر مزروعاتی انسان و حیوانات طرفندن تخریب و احراقدن محافظه  
ایده جککری کی مأمور اولدقلری دائره داخلنده وقوع بوله جق جرائمی  
بالتحریری نوع واسبابی وزمان ومکان و دلائل واماراتی مختاره اخبار وافاده  
ومختار طرفندن اختیار مجلسی حضورنده ضبط اولنه جق افاده لری زیری  
مهر لریله ویا اشارت مخصوصه لریله تصدیق ایدرلر . غصب وسرقت اولنان  
اموالی تحری ایدوب بولدقلری حالده مختاره تسلیمه مجبوردرلر . اموال  
مسروقه ومنسوبه نك وارباب جرائمك دیوارله محاط محللر دروننده بولندیغی  
خبر الیرلریسه مختاره اخبار ایله اکتفا ایدرلر .

ایکی بوز یکرمی برنجی ماده : بکجیلر محافظه سنه مأمور اولدقلری دائره  
داخلنده وقوع بوله جق احوالدن مسئولدرلر . شوقدرکه منعنه مقتراوله مدقلری

بر تجماع ذك اثنای وقوعند محله ده پولیس مأمورینه و قریه ده مختاره اخبار کیفیت ایتمکله مسئولیتدن قورتیلورلر .

ایکی بوز یکریمی ایکنجی ماده : جرم مشهود حالنده متجاسرینی مجهول الاحوال ومظنه سوء اشخاصه تصادفلرنده اوکیلری مقتدر اوله ایلدکلی حالده در دست ایدرک مختار ویا پولیس مأمورینه تسام ومقتدر اوله ایلدکلی حالده مختار ویا پولیس مأمورینه اخبار کیفیتله برابر اشخاص مرقومه نك تعقیبنده آنلره معاونت ایتمکله مجبوردرلر .

ایکی بوز یکریمی اوچنجی ماده : بکجیلر دائرة مأموریتلری داخلنده اشقیاء تعقیب ایدن عسکر وژاندرمه لره دخی معاونته مجبوردرلر .  
ایکی بوز یکریمی دردنجی ماده : بکجیلر محتاج معاونت اولدقلری زمان اشارت مخصوصه ایله یکدیگرندن طلب معاونت یدر هر یکجی طلب وقوعنده دیگرینک معاونته شتاب ایتمکله مکلفدر .

ایکی بوز بشنجی ماده : کوی چوبانلری وکنیدیلرینه تسلیم اولسان مواشینک اجرتلی محافظ اولدقلرندن دفعه مقتدر اولدقلری احوالدن ماعدا اسبابک تولد ایده حکمی تلفات وخساراتدن مسئولدرلر .

ایکی بوز یکریمی آلتنجی ماده : زیر ادارملرنده بولسان مواشینک باغ وباغچه ومزروعات حقنده یقاع ایده حکمی ضرر وزیادن دخی مسئولدرلر .  
ایکی بوز یکریمی یدنجی ماده : کوی چوبانلری کشت وکذار ایلدکلی محللرده مجهول الاحوال ومظنه سوء اشخاصه وجرم وقوع ولدیفته دلالت ایدر احوال واماراته تصادف ایلدکلی حالده قریه مختارینه اخبار کیفیتله مجبوردرلر .

ایکی بوز یکریمی سکزنجی ماده : کوی چوبانلری کشت وکذار ایله کلری محللرده حیوانات وحشیه ومفترسه ایزینه تصادف ایلدکلی تقدیرده مختاره اخبار کیفیت ایدرلر .

ایکی یوز یکریم، طقوزنجی ماده : کوی چوبانلری کشت و کذار ایلدن-  
کاری محللرده تصادف ایده جکلای اموالی و صاحبسز حیوانی مختاره تسلیم  
ایتمک مجبوردر .

ایکی یوز اوتوزنجی ماده : بکچی و کوی چوبانلری خسته و بیتاب قالمش  
اولانلره تصادفلرنده اجرای معاونتله الیقین بولنان بر مسکنه قدرکتوره جک  
و وفات ایدر ایسه لازم کلنلره معلومات اعطا ایده جکلدر .

ایکی یوز اوتوز برنجی ماده : بکچی و کوی چوبانلری سلاح طاشیمغه  
مأذون اولدقلری کبی خصوصی بکچی و چوبانلر دخی ایکی یوز اون سکزننجی  
ماده ده کی اوصافی حائر اولدقلری حکومتجه تحقیق ایتمدیکی تقدیرده سلاح  
طاشیمغه مأذوندرلر .

ایکی یوز اوتوز ایکنجی ماده : طرف حکومتدن منصوب اولان اورمان  
قورنجیلری و ناحیه لرجه تعیین ایدیه جک قورنجیلر وظائف اصایه لرلیه  
برابر بکچی و چوبانلره عائد اولوب اشبو قانونده مندرج بولسان وظائف  
ایله مکلفدرلر .

### خاتمه

ایکی یوز اوتوز اوچنجی ماده : داخلیه ناظری اشبو قانونک اجرا سنه مأموردر .